

# *KUZUMINA NZILA YA*

## *KABAMBWA AA LEZA*

### *KUCIINDI CAKUMAMANINO*

 [Mukwesu Carl Williams waamba, “Wapona buti, Mukwesu Branham?”—Mul.] Uli buti, Mukwesu Carl? Nkubotu. Nda kulumba. [Mukwesu Williams wakanana ku mbunga, “Amu kkale, akaka.”] Kutonta cuuno cimbi kusule. Yaa. Sa nci cangu? [“Iiyi.”] Humu! Nceeci we.

<sup>2</sup> Ee, ncibotu ncobeni kujokela mu ng’anda ya Mwami, sunumasiku, alimwi kapati obu umwi, nkaambo Nda kajisi coolwe ca kutuula ng’anda eyi ya Mwami, ciindi cimwi cakainda, cindi Mukwesu wesu muyandisi Sharrit nakayaka busena obu, nkabela twa kabutuula ku Mwami ku mulimo Wakwe. Elyo ncibotu kuba mu ng’anda ya Leza kufumbwa ciindi, embo na? Bwalo mbusena bubotu ncobeni kuba.

<sup>3</sup> Elyo aanselelo ano mu busena butontola maningi, kuti awo ca... Nda boola ansi awa kuzwa ku bube butontola, elyo Nda njila moonya muli ncico. Nda kaamba masiku ainda, “Nda syoma tii Nda muletela mapenzi aya oonse.” Ee, nywebo mulizi, ba lati mainza atola kulyookezya kwa mapeyo ako okuno. Elyo ndiza mapeyo akaboola kulanga muli ncico, kubona obo mbo cakali kuzwidilila. Pele ncibotu ku-ku ba kuno kufumbwa ciindi.

<sup>4</sup> Nda kajisi lyoonse i—i luyando ku Phoenix, kuzwa ku mulombe muniini. Nda muyanda Phoenix. Elyo Phoenix bwakali busena bwangu butaanzi mbwe kusola kukambaukilka bantu abo batakali mukowa wa bantu bakuwa. Abo bakali bama India. Nda kaunka kutala ku masena basicisi. Ndi yeeyela kuti ndiza kuli bantu awa sunumasiku bayeeya cindi Ne kabamba cisyomezyo kuli Leza aa cibumbili: ikuti na Uyo ponya cakolwa a mwankazi ujisi TB, kuti Njo unka ku masena a basicisi kuyo—kuyo kutauka kuli bama India. Elyo baka ndiyeezya ncico. Elyo bobilo babo baka ponesegwa. Elyo Nda kaunka kutala ku Apache Reservation, elyo okuya Mwami waka tupa luzundo lupati.

<sup>5</sup> Nse konzyi kuyeeya zina lya mulindu oyo wakaponesegwa ku kkulenge kutala okuya. Kakali kaambo kabetu kapati. Nda syoma waa kali wa missionari kutala kuya, Assemblisi ya God, i babotu kwiinda Mbe yeeya. Twa kaunka anguwe, Mitchell. Elyo mbo mbubo. Sa kuli umwi ano wakaliko mu muswaangano

wakutala okuya ku msena a basicisi mpawo, busiku obo? Nda kayeeya...Iiyi. Mbo mbubo.

<sup>6</sup> Nda—Nda kayeeya kuti Ndiyo oba kutala a kucilwana. Nse—Nse kakonzya kubabamba kumvwiya eco Nce kali kupandulula. Nse kalubi busiku obo. Kwa kali ii...ciindi cilamfu Ne kamana kukambauka kaindi, a kubaambilila makani aa Kristo. Nda kaliimvwi aa matantilo aa hoolo lyakutolela lusyomo. Elyo baka jisi busena buzwide, mpawo boonse bakali aanze. Aboobo Nda kali kwaambaula kuli mbabo. Elyo cintu comwe cibotu loko, busiku obo, wakali i—i mudaala muna India ngo baka njizya mu kutanta, alimwi kwa ciindi cilamfu kuya ku bucedo. Elyo ba—ba kali tetede, oko nkoba keenda kulanduka i—i mulonga. Kaba ciziba cifwaafwi kunseleo okuya, amwi, kamu njizya.

<sup>7</sup> Nda kabuzya mulombwana mukubusyi. Nda kati, “Sena to yoowede kuti uciswa kamano?”

Wa kati, “Jesu Kristo kondi mamela. Nda leta bataata.”

“Ncibotu.” Nda kati, “Sena ula syoma kuti uyo ponesegwa?”  
“Iiyi.”

<sup>8</sup> Wa kali kuzungaana ku cilwazi cakuyuminina. I balombe bobilo baniini bakali kumubweza. Nda kakombela mudaala.

<sup>9</sup> Kwiinde kaindi Nda kamvwa cintucimwi kacikwiila. Kalanga ansi; mudaala waka jisi bboodi kusule lyakwe mwini, kayabuya koonse, katambika bantu boonse. Lusyomo buyo lubombe ku syoma, nku koonse nko citola.

<sup>10</sup> Nda yeeya busiku obo, mwanakazi muna India mudaala mubotu, waa kajisi tulukwe twa masusu malamfu kalengelela. Alimwi wakali mu zyeenzyo, alimwi zya kabambilidwe ku ng'anda loko, balo, mbuli tusamu twa zipyaango a ciboodi atala lya ngawo, mbuli tuu bbai foo, elyo mpawo kuzambaila tusila. Elyo, ncobeni, umwi utobela wa kusika wakali... Waa kali mu mundando, kazwa mukati ka buyake. Pele kwakali mulombe muniini, muna India mukubusyi, muniini wakali kuboneka kuba muyumu loko. Wa kauma boonse bamwi babo mukati, kuti anjila mu mundando. Elyo muntu mucete wakaindi wakalikusola kugusya tusamu twakwe. Elyo waa kabona kuponesegwa kobilo na kotatwe katana njila mu mundando.

<sup>11</sup> Elyo Nda kayeeya, cindi naka ndilanga, kwalo kusutana kwa lukanda, kupati kusakene, a misozi kiimbulumuka mu zidindi ezyo mu masaya akwe, Nda kayeeya, “Mutumbu wa muntuumwi.” Nse kaamba bbala lyomwe kuli nguwe, nsena mu kombelede, kufumbwa cintu. Waa kandi langa nconzyo. Alimwi mbwa kacitila buyo, waa kandi tambika zyeenzyo akweenda kuzwa, cabuubauba buyo obo.

<sup>12</sup> Mwana wanguliyi mukusola kundi beleka atala awa. Sa inga wamvwa eco kabotu? Ndali kubala kaano sunu ka ii—ii—ii

ngulube kiitolwa ku busena busalala, elyo Nda yeeyela mwaziba. [Umwii waswenzya maikkrofooni ya Mukwesu Branham—Mul.] Lino, eco cilimvisya kabotu, nekuba. Eyo nje nzila buumi mbo bweenda. Jisi buyumuyumu bunji muli ngawo nekuba, embo na?

<sup>13</sup> Lino bantu baliimvwi, elyo—elyo ta tu—ta tu yandi kutola ciindi cimbi kwiinda mbo tukonzya kuligwasya. Elyo bantu babotu boobo, mane Ndi—Ndi yanda buyo kwaambaula kwa ciindi cilamfu kuli ndinywe.

<sup>14</sup> Elyo tuli kuno eno mu kuswaigwa a Luswaanano lwa Bantu Basimilimo ba Makanimabotu Aazwide. Elyo muswaangano mupati mutaanzi uli mukutolwa okuya ku Ramada, kutalikila cibeela camamanino ca . . . Atu bone, ino mbuzuba nzi? [Ii mukwesu waamba, “Twenti foo.”—Mul.] Makumi obilo aone. Makumi obilo aone kwiinda mu makumi obilo alusele, ku Ramada Inn. Elyo kuyooba basikukanana bamwi babotu okuya, Mukwesu Oral Roberts a bamwi banji. Elyo Nda . . . Lyoonse tu jisi ciindi cibotu. Kuti, cindi bantu baboola antoomwe mbuli boobo, tu jisi ciindi cipati ku Ramada Inn eyi.

<sup>15</sup> Inga kwaba kuti Mukwesu Oral a Ndime inga twaba a mulimo wakuponya okuya. To konzyi kuziba. Eco inga caba buyo kabotu. Inzya. Aboobo—aboobo tii twa—twa kajisi yomwe antoomwe. Ta ndizi eco ncanga wayeeya kujatikizya kuba a omwe, walo a Ndime antoomwe, pele Ndili libambilide. Ikuti na wakonzya ku ndimika, baa, tuyu sola, elyo mpawo kukombela bantu baciswa.

<sup>16</sup> Alimwi tii twali kuba amiswaangano ya kuponya, ikuti na mwakabona. Tii twali kuvozya makkadi aa mipailo na cintu, nkaambo ka kusyankana kwa mambungano maniini, nywebo mulizi. Elyo bantu, tamu konzyi kunjizya bantu a kuzwa. Elyo mpawo cindi wacita, cileta cidyobedyobe cakusanganya konse, nkabela ulanganya zya mililo inga taciyanda eco. Aboobo tu baanga buyo twasotoka miswaangano ya kuponesegwa kuciimo mu miswaangano, alimwi kali kusola buyo kuleta Mulumbe muniini, wa Makanimabotu aa Mulumbe muubauba. Ku . . . Elyo busyu bwanu, a kubeleka antoomwe a ndime, a mipailo yanu ya ndime, ula ndiyumya kuba kokuno. Elyo Nda syoma milumbe misyoonto ila muyumya kuzumanana, mu kuponena Kristo.

<sup>17</sup> Elyo Nda bona, ziindi zinji, bantu bazwa ku mbungano imwi kuya kuli imbi. Elyo eco citubamba kuzibilana toonse, elyo—elyo tu jana buyo mbuli . . . kulikankaizya kwini kuli umwi aumwi. Nda ciyanda eco. Inga akwalo twa kkala antoomwe awa, mu masena Aakujulu, nkaambo tuya ku musyobo oyo wa busena oko nko tuya kuba antoomwe mu busena Bwakujulu, ku Julu.

<sup>18</sup> Kwakali muncali muniini wa kukazya Nkwe kajana buzuba bumwi mu lugwalo. Inga lwa pegwa kuciindi notu cinca kulimvwa kwanu. Kufumbwa mukutausi ulizi, weelede

kwaamba cintucimwi cimbi, kubaanga nkuli cinca ku bbunga, a bbunga kuli nduwe. Kwa kali ii . . .

<sup>19</sup> Ii basimakwebo bakabweza caano muli caboo . . . i *Jwi* lya Bantu Basimakwebo, lya—lya niini . . . Ndi yeeya kuti tuyo ciita buyo kuti cilengaano. Elyo cakali andeene aniini, kanji, kuzwa ku zilengaano Nze jisi. Nda kali . . . kagwisigwa kuzwa awo Mpe kabede, kutala. Amulange, taka ndilanga kulaale kwiinda ciluli ca buyake obo. Elyo mpaawo Nda kali mu busena bumbi awo Mpe kabona boonse abo bakafwa. Bunji bwamu mwaka bala caano, mubwini. Elyo omuya, Na kamana kundaambila kuti bakali . . . kuti bakali bani, alimwi boonse bakali bakubusyi alubo. Elyo bakali beni . . .

<sup>20</sup> Nda kali kuyoowa lyoonse kufwa. Kutali kuyoowa kuti Nda kasweeka, pele Nse kali kuyanda kuba muuya. Ndi biyo . . . Ndi yanda kuba muntunsi, muntu. Nkaambo, lyoonse Nda kamvvisya mbuli muntu, kusukana maanza aa bantu. Nda kali kunga ndayeeya, “Ino kuti Nda sika kuya elyo Nda kali kunga ndaswaangana Mukwesu Rose, alimwi wakali kakumbi kaniini, katuba na cintucimwi? Ndi lizi wakali Mukwesu Rose, ku kuyeeya kumwi kumbi, pele tii Nda kakonzya kusukana janza lyakwe. Nse kakonzya kwaambaula kuli nguwe. Na . . .” Nda—Nda kali kugambwa, “Sa eco inga tacili cibyaabi?” Pele, Nda kayeeya, “Mpawo cindi Ne kajokela, mubwini, Njo oba a bubuke.”

<sup>21</sup> Olo Lugwalo tii lwakasola kundi citikila kale, kuti, “Ikuti na eci cilao canyika camwaisigwa, tuli jisi comwe cilindila kale.”

<sup>22</sup> Abooobo cifumo eco, Nda kabuka. Nda kali kuyeeya, “Mulombe, ulaa myaka ili makumi osanwe yakukomena. Ikuti na uyo cita kufumbwa cintu ca Mwami, ncibotu wabinda. Uyo cembaala maningi, kwainda kaindi.”

<sup>23</sup> Elyo mpoonya buyo, Nda kakwempwa mu busena obu, a kukonzya kulanga kusule a kulibona lwangu ansi awa. Nseka jisi luzibo olo. Ziindi zinji Nda kajisi zilengaano zya kulibona lwangu nke imvwi abusena bumwi, elyo mpawo . . . Oh, ikuti na to cimvvisyi, inga wayeeya kuti inga wasweekelwa mizeeo yako. Uli—uli *waano*, kolì langilila lwako *awo*. Elyo mpawo wazwa *awa*, nkabela uli mukati kako *awo*. Uh-huh. Ndiza ni nzila ya kaindi, myaka kuya ambele, a zimwi zimbi. Nciyumu kupandulula, to citi, to konzyi ku cipandulula.

<sup>24</sup> To konzyi kupandulula Leza. We elede ku Mu syoma. Mwabona? Ikuti na wakonzya ku cipandulula, nkokuti takucikwe lusyomo pe. Yebo weeledе buyo ku cisyoma.

<sup>25</sup> Elyo Na kamana ku ndaambila, mukubona bantu aba boonse, alimwi ba kali . . . Ba kajisi mibili. Ba . . . Kwakanyina cibi. I baalumi a banakazi . . . Abo banakazi bakali kundi gwambatila, nkabela bakali banakazi. Pele kwakanyina kukonzeka kwa kusola kubisya alubo, nkaambo, mwabona,

magilandi aa mibili yesu ayo cincwa okuya. Tu jisi... Tu lindeene kunkwela lino, nkaambo eyo nga kuzyalulula kwa inyika, a lukwatano lwesu—a lwesu kuzyalila bana. Pele mpawo takukabi limbi kuyandika kuli ceeco. Takukabi limbi bana bayo zyalwa. Ta tukabi a magilandi aankwela mu inyika mpya, mwabona, nokuceya. Pele, nekubaboobo, mwanakazi uyooba mwanakazi, mu ciimo. Elyo mbubonya bamaalumi bayooba bamaalumi. Pele takukabi limbi mweenze a muzyazi aakati kabu, mu nzila eyo. Elyo alo magilandi takabiko mukati, aboobo takukabi nzila pe kuli Saatani kucita mancencjela aambi aali mbabo.

<sup>26</sup> Aboobo, muli eco Nda kabona banakazi kabazuza kutala a kundi gwambatila maboko abo, a kwaamba, “Mukwesu wesu muyandisi, Ndili kkomene kapati kuti uli waano.” Lino, cakali kugambya. Boonse babo, bakubusyi, boonse banakazi babotu kwiinda, masusu malamfu, zikobela zilamfu, nywebo mulizi, mbuli zikobela, zikobela zituba mbuli zya siluki. Elyo obo mbobakali kuboneka kabetu!

<sup>27</sup> Mpawo mpaawa kwaboola bakwesu, buyo... Elyo baalumi babotu maningi mbe Nda kasola kubona, kuboneka mbuli boonse babo kutandila myaka iili makumi obile yakukomena. Alimwi meso abo, kaabalama. Balo, oh, bali jisi mbali yoonse ya mwaalumi. Elyo Nda kagambwa. Elyo bakali kundi nyamuna a kundi gwambatila a kwaamba, “Mukwesu wesu muyandisi.”

<sup>28</sup> Nda kalibuzya nzila... Nda kacebukila ansi a kukonzya kulibona lwangu ansi awa, nekuba, nkelede ansi. Ee, lino, kayeeya, “Eco nceenzu.” Elyo mpawo Nda kabuzya.

<sup>29</sup> Ngooyo mulindu wakali mubotu loko wakayutuka, wakandi gwambatila, kati, “Oh, Mukwesu Branham, tuli kkomene kapati kuti uli waano, mukwesu wesu muyandisi.”

<sup>30</sup> Nda kamulanga, mbuli mbwa kali kuzwa. Elyo Jwi eelyo lyakali kwambaula kuli ndime, kati, “Sena tomwi ibaluki?”

Nda kati, “Nse—Nse citi.”

Kati, “Waa kaliinide myaka ili makumi ali fuka cindi noka musololela kuli Kristo.”

<sup>31</sup> Elyo ngooyo mbwakabede, cintu cibotu maningi Nce kalanga, mu nzila ya mwanakazi. Elyo Nda kati, “Ta cigambyi waa kati ‘Mukwesu muyandisi.’” Mwabona? Lino ta konzyi kucince limbi. Walo ni nzila eyo ya Butamani.

Nda kati, “Ndi yanda kubona Jesu.”

<sup>32</sup> Kati, “Uli atala maningi kwiinda obu. Buzubabumwi Uyo boola, nkabela uyo betekwa kwiinda ku Makanimabotu ayo ngo kakambauka, nkaambo wakali musololi.”

Nda kati, “Ee, sa Paulo uyo elela kubetekwa a bbunga lyakwe?”

Wa kati, "Iiyi."

Nda kati, "Nda kakambauka Makanimabotu ngaonya nga kacita. Mbubonya buyo nzila mbwa Ka amba, eyo nje nzila Mbwe Ka amba."

<sup>33</sup> Elyo alo majwi ali mamilioni aka kwiila, "Tu yaamide aali Eco."

<sup>34</sup> Mpawo cintu ceenzu cakacitika. Nda ka jisi mbizi niini, yakutanta buyo, elyo Nda—Nda kali kuyiita kuti Prince. Elyo obo Mbwe kali kuyanda mbizi eyo niini yakaindi. Nda kali kwiiitanta cifumo coonse, nketa tanainka ku cikolo, kukubamba twa kuteya kwangu. Elyo Nda kabona eyi mbizi yakaindi niini kaiboola kuli ndime, a kubikka mutwe wakwe aa kkuko lyangu, a ku gunaguna. Elyo Nda kamuumama. Nda kati, "Prince, Nda kalizi kuti uyooba kokuno." Elyo Nda kamvwa cintucimwi kacimyankuta janza lyangu. Wa kali mubwa wangu wakaindi wakuvwimya tunyama tutegwa kkuuni. Wa kandi tola ku cikolo, ndaka bamba zisani zyangu, kuvwima. Nda kati, "Prince, na, Fritz, Nda kalizi kuti unooba kookuno ayebo."

Mpawo Nda kamvwa cintucimwi cakacitika. Nda kali kujokela.

<sup>35</sup> Eco caka lembwa mu *Jwi* lya Bantu Basimakwebo Banakristo. Elyo mukutausi waka ndilembela buzuba bumwi. Wa kati, "Nda kalumba cilengaano eco, Mukwesu Branham. Ca kalimvwisywa kabotu loko kusikila wa kaamba mbizi. Julu lya kabambilwa bantunsi. Takukwe cintu cili boobo mbuli mbizi ku Julu."

<sup>36</sup> Ee, Nda kati, Nda ka muvwiila. Nda kati, "Mukwesu, Nse kaambide kuti Nda kali ku Julu. Nda kali kubuzya oko Jesu nkwa kabede, alimwi Wa kacili kwiindilila." Nda kati, "Pele ikuti na inga kwa kugwasya aniini, Bbuku lya Ciayubunuzyo, Iyaamba kuti, 'Cindi Jesu nakazwa ku Majulu aa majulu, Wa kali kweenzya mbizi iituba.' Elyo makamu oonse aku Julu akali ku Mu tobela, aa mbizi zituba. Mwabona? Aboobo oko kwakali kuzwa ku Julu lya majulu."

<sup>37</sup> Elyo ncinzi caka ndibamba kulimvwa kabotu loko, cindi Ne katalika kujokela, Wa kati, "Zyoonse ezyo nzyokali kuyandisy Lyonse, a zyoonse zyakali kukuyanda Lyonse, Leza wazipa kuli nduwe."

<sup>38</sup> Buzuba bumwi buboto, ku lubazu lumbi, ci yooba bwandeene. Nse konzyi buyo... To konzyi buya kujana, bantu, kwiimpya busena obo. Uta ciciti. Kufumbwa necita, bamba... Muta yoowi. Taku yandikani kuyoowa. Kunyina cintu ca kuyoowa.

<sup>39</sup> Oh, cindi Ne kayeeya kujokela, caka ndibamba kuusa. "Sa Nde elede kujokela alubo? Sa Nde elede kujokela, kuli ceeco Nce yoowa kuba?" Mwabona? Elyo mpawo cindi twa boola ku mubili

wakabuka, mpa wo tuyo lya a kunywa. Tiiba kalya a kunywa. Tee bakali kuyandikana kulya a kunywa. Tee bakali kuya kuli koonse, alimwi tee baka katede. Ca kali buyo . . . Taakwe ijwi Nde kakonzya kubelesya. Ca kali londokede; eco tee cakakonzya ku cibamba. Cila indilila eco Nce ita kulondoka. Ba—ba sika buyo, eco cakali ncico, ku—ku busena obo, alimwi cakali cibotu loko.

<sup>40</sup> Abooobo, oh, amuswiilile, beenzuma. Ndi—Ndi yeeya kuti Ndili mu mizeezo yangu iluzi, alimwi Ndi—Ndi—Ndi lizi cilimvwisya bweenzu. Pele Nse na konzya, a kuta sola kukatala, kupandulula ku bantu ezi zintu. Zintu zinji ezyo . . . Ta cikwe bupandulule. Elyo inga wa nyonganya buyo mizeezo ya bantu. Pele ikuti na Nda kakonzya, a kulimvwa kucita boobo, inga nica kayoosya.

<sup>41</sup> Pele amubone eci. Nda amba eci. Muta yoowi. Lufu nca kukongya buyo, kusoleka ku musinkila kuzwa ku cintucimwi. Ma, ncabulemu loko! Cila indilila ku cintu cili coonse nco mukonzya kuyeeya. Ta cigambyi Bbaibbele lyakati, “Liso tali bwene, kutwi takuna mvwide, naanka kuti cakanjila mu myoyo ya bantu eco Leza nca bambilide abo mu ciyobwedo abo ba Mu yanda.” Oh, kulanga buyo kwindilila cisitilizyo ca ciindi! Mpa wo, Nda soleka canguzu kwiinda lyoonse mu buumi, kusola kuleta bantu kuli Kristo, kuzwa ciindi eco. To konzyi ku ciimpya. Uta ciciti. Koba masimpe kuti uli luleme a Leza, a zintu zimbi ziyooba kabotu.

<sup>42</sup> Lino, Ndi jisi buyo bulembu busyoonto bulembedwe aapepa awa, Ndali kuyeeya kuti inga Nda kanana aniini sunumasiku kuzwa. Elyo Ndi yeeya kuti juunza masiku tuli kulaale kutala, kutandila mamaile aali makumi obile kuzwa kuno, na kwiinda. Mesa, Nda syoma mbo ibede. Mesa. Sa eyo ngu Mesa? Mesa. Elyo mpa wo busiku butobelwa ku Tempe, Tempe. Elyo Ndi jisi matobelanwa mu nkomo yangu awa, kuzwa mu pepa Mukwesu Williams ndya kandipa. Pele, Nda kali pakasizye maningi, Nse na cilanga buyo. Billy waboola buyo a kundi bweza, a kwaamba, “Tuya kuunka *boobu-a-boobu* alimwi *boobu-a-boobu*,” elyo mpaawa twa unka. Mpa wo Nda boola ikuno, alimwi usola kundi tinga.

<sup>43</sup> Lino, sa bantubonse balimvwa cabukombi loko? Amwaambe, “Ameni,” ikuti na muli obo. [Mbunga yaamba, “Ameni.”—Mul.] Ncibotu loko. Eco cili kabotu. Lino, atu kotamike buyo mitwe yesu lino.

<sup>44</sup> Mboli, tu jisi buyo, magano esu maniini aa kubambulula a kutondezya. Tuli bana, alimwi tula bungana alimwi tula pupana mboli bana. Elyo swebo . . . Awalo Leza uli jisi gano lya kuseka, nywebo mulizi.

<sup>45</sup> Abooobo atu kotamike mitwe yesu lino a kukanana kuli Nguwe katutana kubala Ijwi Lyakwe. Kuciindi notu kotamikide mitwe yesu, sa kuli baabo omuno bajisi nkumbizyo ya mupailo?

Aku zibwe ku janza lyako lyasumpulwa. Leza aku longezye. Atu kotamike mitwe yesu lino.

<sup>46</sup> Taata wesu Wakujulu, twa boola mu Busyu Bwako lino mbuli mbo tukotamika mitwe yesu a myoyo yesu mu bubombe. Tula langanya ku lusyomo, kwiindilila mweezi a nyenyezi, ku Cuuno cabwami ca Leza, mu Zina lya Mwami Jesu, nkaambo tuli masimpe kuti na twa boola mu Zina Lyakwe kuti Uyo tumvwa. Tuyo tambulwa mu Busyu Bwako kwinda mu Zina Lyakwe. Ino ncoolwe mbo cibede, kuziba kuti twa kazuminwa mu Busyu bwa Leza, kwiinda mu Zina lya Jesu Kristo.

<sup>47</sup> Elyo Wa katwaambila, Taata, kuti kufumbwa cintu nco twa kalomba mu Zina Lyakwe, kuti Yebo, mu luse Lwako a luzyalo, inga wajatila zibi zyesu alimwi inga wa tupa kuyanda kwesu. Taata, tuli kkomene kapati kuli ceeco. Taakwe cintu cimbi nco tukonzya kuyeeya, eco inga caba coolwe caatala loko, kwiinda kuba a coolwe eci.

<sup>48</sup> Inga caba coolwe kuli ndiswe basicisi bana America kulanganya muleli wesu. Alimwi konse nko tweelede kucita, kwiinda mo, kubona mweendelezi kwa kaindi kaniini, ku kubweza ciindi cakwe ca bweende bupakasizye. Ni twa kacita kwiinda mu maofesi, a—a nzila yoonse, kusika, a kwelela kulanganya twaambo twesu, alimwi—alimwi tweelede kulangwalangwa katu taninga kuba coolwe eco.

<sup>49</sup> Pele, ku ciyeeya: Leza, Cilenga wa majulu a nyika, ulindila ndiswe kuswena. Swebo, to basizibi bateeeli, Uli ndila ndiswe kuswena mu Zina lya Mwami Jesu, a kaanzambwene kuti tuyo pegwa ceeco nco twa lomba, ikuti na twa konzya buyo kusyoma kuti tuyo cita. Mpawo, inga twa langilila nkumbizyo zyesu kabotu loko a kuziba kuti inga titwa kanana cabufuba na kulomba cabufuba. Elyo ikuti na twa konzya, twa Ku lomba utu jatile, Mwami.

<sup>50</sup> Alimwi tu lomba luse sunumasiku ku maanza onse ayo tambikwa. Akube kuti nkumbizyo zyabo zipegwe kuli mbabo, Mwami. Akube kuti bamvwe kaanzambwene mu moyo wabo ndyoonya lino, kuti, kuciindi notuli mu Busyu Bwako, kuti, cindi twa jula meso esu a kubusya mitwe yesu kuzwa ku bulongo, kuzwa oko Nko ka tubumba, kuti tuvwa ako kaanzambwe kasimpide kuteeti twapegwa ceeco nco twa lombela.

<sup>51</sup> Inga twa lomba abo, Mwami, antela mu buyake sunumasiku, abo btaninga boola mu Busyu Bwako, ku nzila ya mupailo, ku lomba kujatilwa kwa zibi, akube kuti obu bube busiku bwa cintucimwi ciyo ambwa, na cintucimwi cicitwa, na kulilemeka kumwi kwa Muuya Uusalala oko kuyo citya myoyo yabo kugwinya a kulomba luzyalo olo lujatila.

<sup>52</sup> Ponya balwazi. Mwami, twa lomba kuti Uyo bapa, sunumasiku, kaanzambwene kakuti mupailo wa lusyomo lino uli mupailwa. “Elyo kuyo vuna balwazi.” Nkambo inga twaamba, a

kuyungizya eci, kuti ngu MBUBOOBU MBWAAMBA I MWAMI, nkambo kuli lembedwe mu Ijwi lyamwami.

<sup>53</sup> Lino, Taata, twa komba kuti Uyo longezya twaambo otu tuniini oto twa bambilwa awa sunu ku Ijwi Lyako. Kusomona kukubala oku ciyo kuya moyo aumwi. Elyo ikuti na Nde elede kukakilwa mu nzila iili yoonse, Mwami, a kwiimpya cibeeela ca Muuya Uusalala, akube kuti Walo mu luzyalo lwa Buleza aunke a Ijwi a ku Li bikka mu moyo awo Mpo lyamkeelede kuba. Alimwi akube kuti sumumasiku tu bone janza lyam Singuzuzyonse kutandabikwa ku buyake obu, a kucita zintu ezyo zinga zyaindila kwiinda zyoonse nzo tukonzya kucita na kuyeyya. Cindi twa zwa sunumasiku a kuunka ku maanda esu andeene, akube kuti tu konzye kwaamba mbuli baabo bakazwa ku Emau, “Sena myoyo yesu tiiyali kupya muli ndiswe, mbuli Mbwalii kwaambaula kuli ndiswe mu nzila?” Nkambo twa cilomba mu Zina Lyakwe. Ameni.

<sup>54</sup> Lino, bantu banji ba baanga balemba aapepa, a cibalo eco mukutausi nca belesya. Elyo Mebo, ikuti na mula yanda lino, Ndi yanda kubala masena obilo mu Malembe Aasalala. Nkokuti, mu Matalikilo cipati 22, tuyu unka lutaanzi a kubala. Elyo mpawo mu Musalali Johane 12:32, tuyu bala kwa cibeeela cabili ca Lugwalo. Lino, muli Johane... Mu Matalikilo 22, tula talika a kampango ka 7 ika cipati 22.

*Elyo Izaka wakaambila Abrahamu wisi, a kuti, Taata wangu: elyo wa kati, Mpaawa Mpendi, mwana wangu. Elyo wa kati, Bona mulilo a nkuni: pele uli kuli i mwanaambelele wa cituuzyo caku tenta?*

*Elyo Abrahamu wakati, Mwana wangu, Leza ula libambilia mwini mwanaambelele i wa cituuzyo caku tenta: aboobo ba keenda bobilo antoomwe.*

<sup>55</sup> Elyo lino mu Musalali Johane 12:32, tula bala Majwi aya kuzwa ku milomo ya Mwami wesu.

*Elyo Mebo, ikuti na Nda sumpulwa kuzwa aa nyika, njo kwela bantu boonse kuli ndime.*

<sup>56</sup> Elyo lino ku cibalo eco Nce yanda kukanana kuzwa, ali ceeci, ngu, “Kuzumina nzila yakabambwa aa Leza ku ciindi camamanino.” Andi balulubu eco alubo, nkaambo, aa mateepu, Nda syoma bali muku teping’ a Milumbe eyi, alimwi aa mateepu ngo tujisi, cibalo zili myaanda yosanwe eyo Nje yeeyela kuti Nkwe kakambauka, ba jisi cintucimwi cikozyenye kuli ceeco, pele kutali cini eci. *Kuzumina Nzila Ya Kabambwa Aa Leza Kuciindi Camamanino.*

<sup>57</sup> Nywebo mulizi, kuli nzila zinji ezyo—ezyo bantu nzoba bweza, pele ncobeni kuli nzila zyobilo luzutu ezyo muntu nzya konzya kuunka, eyo, nzila iluleme a nzila iilubide. Alimwi toonse swebo ano, sunumasiku, tuli muli lumwi lwa nyendo ezyo, imwi iluleme na imwi italuzi. Kunyina bulongo bwaakatikati. Jesu

wakati, "To konzyi kubelekela Leza a *lubono*," kupandulula kuti, "inyika." Kwayanda tuli lume na kulubila.

<sup>58</sup> Elyo lino ikuti na twa zwa buyo ku nzila yesu ini, nje nzila ilikke njo tukonzya kunjila mu nzila ya Leza. Elyo Leza wabamba nzila yaka bambilwa zintu zyoonse. Wa kabamba nzila. Elyo awo mpo tunjila mu penzi, kutali kutobelala nzila eyo, a—a kunjizya muli Njiyo nzila zyesu zini. Elyo eco cibamba lupilingano. Elyo kufumbwa cintu caka pilinganisigwa ta-tacikwe buyaamine. Aboobo, Leza uli jisi nzila. Elyo atu lange buyo ku nzila Zyakwe zimwi.

<sup>59</sup> Atu bweze cintucimwi mu bulenge. Nkaambo, bulenge bwakali Bbaibbele lyangu litaanzi. Ndi lizi kuti Leza Mulengi, alimwi Wa kalenga bulenge. Elyo Ula pona mu bulenge Bwakwe, mu bulenge.

<sup>60</sup> Atu bweze, kupa mukozyanyo, musamu. Nda somona kunsi lya limwi, kaindi kaniini kainda alya, na Billy wacita, a mitabi ali ncico. Elyo Nda kabona matu kaali mukuwa. Lino, ta tuna konzya, alimwi tatu kakonzyi, kujana nzila mboto loko ya samu kusisa buumi bwalyo kwinda mu mapeyo, kwiinda nzila yakabambwa aa Leza kuli ndilyo kusisa buumi bwalyo.

<sup>61</sup> Lino, ino kuti twa kasola kupanga nzila imwi imbi kunze lya nzila ya lyoonse yakabambilwa samu? Ino kuti Ivvivvi na Itwi, mu cisi kapati oko Nkwe zwa, Kunyika, ikuti na tweelede kuunka ku apele na muunda wa maapele ii—wa ii cibelesyo a kucibikka mu samu, kutandila kumana kwa Ivvivvi maapele ala bizwa, a kusomona buumi kuzwa ku samu akulitola mu busena bubotu bukasaala, a kucibamba kwiinda mu mapeyo, buumi, buumi bwa musinza kuzwa ku musamu, akuli simpa mu cibikkilo cibotu cikasaala akuli simpaa kusikila cindi ca Butololo, elyo mpawo kubu njizya alimwi mu samu? Nywebo mulizi, eco inga tii cabeleka. Inga tii caba boobo. Elyo kusola kucicita yakali kujaya buyo musamu.

<sup>62</sup> Pele Leza uli jisi nzila yakumamela buumi obo kwinda mu mapeyo. Leza wakabamba nzila. Mukuziba kuti mapeyo inga aboola aa cisamu, Wa kabamba nzila ya ncico. Nda kajisi coolwe ca kusololela muhedeni wa myaka ili makumi ali ciloba ayosanwe kuli Kristo, kuli ceeco, kutali ciindi cilamfu cakainda.

<sup>63</sup> Ba. Wood, simukoboma, nkabela wakali Kamboni wa Jehova ku lusyomo. Elyo wa kajisi mulombe wakali mulema, waka jisi kuului kufwaafwi kunsi lyakwe. Elyo mukaintu wakwe, Nda syoma, wakali kuzulilwa ku i—i nkamu ya Anderson iya Mbungano ya Leza. Elyo bala boola ku Louisville, Kentucky, oko nkobakali kupona mu busena buniini butegwa Crestwood, kutandila mamaile ali makumi otatwe kuzwa ku Louisville.

<sup>64</sup> Elyo ku muswaangano okuya ku auditoriamu, ba kabona musimbi oyo waka jisi bulwazi obu okuno, kuti, walo uya butuba mbuli ncoko na bbwe. Elyo waa kajisi, bwaka bulebwide kale,

eni atala lya tusolo twakwe, cakuti taka konzya kweenda, oh, kwa myeezi ikubwene. Elyo bwakazwa ku matende akwe. Waa kakombelwa, busiku bumwi, elyo buzuba bwakatobela waa kali kuzuza atala ansi lya matantilo, canguzu buyo mbuli mbwa kali kukonzya kuunka.

<sup>65</sup> Elyo Ba. Wood bakaleta mwana wakwe. Mubwini, taakwe naka njila mu muswaangano. Elyo kumane buyo eco, Nda katolwa ku masi aambi, kainka kuya ku Mwami wesu. Elyo mu kubweeda Nda kali kujisi muswaangano kutala ku...mu Ohio, nkabela wa kaleta mulombe, wakauzikidwe kuti David. Elyo wakali kkede kusule kwini, oh, kutandila cisela ca mayake aa dolopo.

<sup>66</sup> Elyo Muuya Uusalala waka njila a kuti, "Kuli mwaalumi okuno sunumasiku. Elyo walo a mukaintu wakwe bakkede kusule kwini." Taakwe naka mubwene mu buumi. Elyo kati, "I mwaalumi, zina ngu Wood. Walo ngu Muyasi mupati. Walo ujisi mulombe mulema oyo wakajisi poliyo, oyo waka lemanya kuulu komwe kensi lyakwe. Pele, MBUBOOBŪ MBWAAMBA I MWAMI, mulombe waponesegwa."

<sup>67</sup> Walo mukuta zibila kuli ceeco, mulombe waka kkala alya asyoonto. Elyo nikwakainda kaindi kaniini, banyina bakati, "David, nkaambonzi nco soleka kwiiimikila?" Elyo cindi nakaima, kuulu kwakali kabotu mbuli kumbi.

<sup>68</sup> I mwaalumi wakasambala mulimo wakwe a kweendeenda, simukobo uukkala munsi. Oh, walo mukwesu mubotu! Cifumo cimwi cindi Na kaziba kuti Nda kali kuboola okuno ku ciindi cakaindiziga, uli... Kutandila ku bucedo, cindi Ne kazwa ku ng'anda, ngooyo mbwa kabede, kaimvwi mu kagwagwa, kulila mbuli *obo*; kulombelela kutanta myoota, mbuli kuti wa kali kuyo unka andime. Elyo wa kandi gwambatila a kuzumanana kuselemuka kagwagwa. Mukwesu mubotu boobu! Wa kali mulongwe wini kuli ndime.

<sup>69</sup> Twa kali kunselelo mu cisi ca Kentucky, kuvwima basikaale, kutandila myaka yotatwe yakainda. Elyo cakayumina maningi. Elyo lino, ikuti na umwi wanu no bantu bakujwe balizi kuti sikaale usiyasiya, walo... Houdini sikuloboka muna aarti siciiya, kuli nguwe, cindi aa yoowa. Aboobo, Nda yanda ku bavwima, aboobo tu ba vwima kubelesya .22 raifo. Elyo twa kavwimwa. Nda kali mu ciindi cangu cakupumuna kutandila mvwiki zyobilo, elyo twa kali kuwila. Elyo cakali ciyumu loko. Elyo inga weenda buyo kwiinda mu zisaka a kutyola i—i matu, a mulombwana oyo muniini, oh, ma, fyuu, to konzyi buyo ku mubona. Wa kaunka.

<sup>70</sup> Aboobo Mukwesu Wood wakati, "Mukwesu Branham, Ndi lizi i—i busena kunselelo awa obo bu jisi magolonkolo malamfu."

<sup>71</sup> Mbangaye bazi golonkolo kuti niinzi? Ee, ino ncibeela nzi ca Kentucky nko muzwa? Elyo nce ncico ncobaita kumusanza mu

Kentucky. Kumusanza okuno, Nda syoma muliita kuti golonkolo na cintucimwi, oko maanzi nkwa selemukila mu kalonga. Elyo ula njila mu masena ayo malamfu, alimwi acili amudumo munji, alimwi inga weenda akuta panga coongo.

<sup>72</sup> Wa kati, “Pele mulombwana mudaala muhedeni, alimwi, oh, ula sulaika bakambausi.” Elyo Nda kali biyo mu cisi lomwe kakutanaba, alimwi omo mwakali mu muswaangano.

Elyo Nda kati, “Ncibotu. Yebo, uli muzi na?”

Wa kati, “Uli bazyi bataata kabotu loko.”

<sup>73</sup> Nda kati, “A tweende tu mu buzye, nkaambo ta tuli mukucita bubotu buli boonse awa.”

<sup>74</sup> Elyo twa kaunka mu traki lyakwe liniini, a kutala kwiinda mu zisaka, a kunselelo atala lya zilundu. Oh, ma! Kumalekelo twa kasika ku busena buniini. Elyo kwakali baalumi bobilo bakaindi baka kkede kunsi lya cisamu ca apele. Cakali kutandila 20 ya Ivvivvi.

<sup>75</sup> Elyo aboobo wakazwa mu traki, kainka kutala, elyo wa kati, “Zina lyangu ngu Wood.” Kati, “Ndime Banks Wood.” Wa kati, “Nda libuzya na inga caba kabotu ikuti na twa vwima mu busena bwako.”

Wa kati, “Sena uli mulombe wa Jim Wood?”

<sup>76</sup> Lino, bausi ngu sikubala mu Kamboni wa Jehova, na mbwa kabede. Elyo mukwasyiwoonse uboola kuli Kristo, umwi aumwi, ku zilengaano. Umwi aumwi, kubaambile eco cakali kuyo citika cini, nkabela caka cita munzila eyo. Oh, obo Mbwe konzya kwiima a kumwaambila buyo kaano ka mukwasyi oyo, obo mbo banjila. Boonse bana mu Bwami bwa Leza eno, baka batatizigwa a Muuya Uusalala.

<sup>77</sup> Elyo aboobo cindi Banks naka cizumina, cakwe... boonse bantu bakwe baka mutanda. Kwa kali koonse. Wa kali aanze.

<sup>78</sup> Pele, omwe a omwe, umwi aumwi wabo kainda munsi, ku kwaamba “wabonwa” kuli nguwe, i Muuya Uusalala inga waba jata a ku baambila zintu, elyo mpawo inga bakali kunjila. Elyo mpawo bakali kunga baunka kuyo ambila bamwi bambi. Mpawo wakali kunga wasika, Wa kali kunga wa mwaambila cintu cimwi, mpawo wakali kunga wasika. Elyo nje nzila mukwasyiwoonse mbo uboola muli Kristo. Elyo aboobo cindi twa jana i... kuzwa ku i...

<sup>79</sup> Wa kazwa mu traki, elyo wa kati ku muntu. Wa kati, “Sena uli mwana wa Jim Wood?”

Wa kati, “Iiyi.”

<sup>80</sup> Kati, “Jim Wood muntu uusyomeka. Iiyi, munene. Koli gwasya. Kovwima oko nkoyanda.”

<sup>81</sup> Wa kati, “Nda lumba.” Kati, “Nda leta mweembeli wangu antoomwe a ndime.”

<sup>82</sup> Wa kati, “Wood, sena waamba kuti wakaubauka maningi kono yandika kubweza mukambausi kufumbwa nkounka?”

<sup>83</sup> Nda kayeeya kuti cakali ciindi cangu cakuzwa. Aboobo Nda kazwa mu traki, elyo Nda keenda koonse. Oh, ma! (Nywebo bakwesu mulavwima. Balongwe mbo tumvwima limwi, Ndi lizi muli mukati omuno.) Alimwi nzila mbo kuli kwa malowa atombe maningi, a malezu malamfu kutandila *obo*, nywebo mulizi; kakutakwe kusamba kwa mvwiki zyobilo, alimwi, oh! Aboobo Nda kazwa mu traki a kusobeleta okuya. Elyo wa ka ndilanga koonse akoonse, ziindi zyobile na zyotatwe. Nda yeeyela wa kayeeya, “Mukambausi umwi!”

Nda kati, “Wapona buti?”

Elyo wa kati, “Wapona buti?”

<sup>84</sup> Elyo aboobo Ba. Wood bakatalika kundi zibya kuti Nda kalini, wangu...mweembeli wakwe. Elyo wa kati...

<sup>85</sup> Katana kujana ciindi cakucita, mudaala wakati, “Ee,” wa kati, “Nda kwaambilila ndyoonya lino.” Wa kati, “Nde—Nde elede kuba muhedeni. Nse jisi kunji kwa ncito andiywe nobalombwana, kuliita lwanu kuba bakambausi.”

Nda kati, “Iiyi, munene. Ncibotu.” Nda kati, “Oko nkuyeyea.”

Elyo wa kati, “Ee, yebo ulizi, Ndili muhedeni.”

<sup>86</sup> Nda kati, “Tandi syomi kuti kulelela kudundaizya. Sa uyeeya boobo?”

Wa kati, “Ee, Nse langanyi obo.”

<sup>87</sup> Aboobo Nda kati, Nda kayeeya mu moyo wangu, “Mwami, ikuti na Wa sola kundi gwasya, Ko cita lino.”

<sup>88</sup> Aboobo mwaalumi umbi mudaala kakkede alya, taakwe nca kaamba. Ngowani zyakaindi ziteteete, Nse zyi cintu... Nywebo muli cizyi mbo cibede, kasumwa kubelesya swala yobilo, nywebo mulizi. Elyo aboobo baka kkala alya aniini.

<sup>89</sup> Elyo aboobo wa kati, “Yebo ulizi eco nce Ndi lwana balombwana? Mukuwa cisamu citali ncico.”

<sup>90</sup> Mbangaye bazi eco nco caamba, “kukuwa samu litali ndilyo”? Oyo mubwa uubeja, nywebo mulizi, oko nkukuwa samu litali ndilyo. I musobano wamana kuunka kuzwa awo. Taakwe cintu ciliko kutala okuya. Mwabona?

<sup>91</sup> Aboobo wa kati, “Nywebo nobalombwana mukuwa samu. Taakwe cintu ciliko mujulu omuya,” mu majwi aambi. “Yebo waambaula zya Leza, alimwi kwiina cintu cili boobo mbuli Leza.”

“Ee,” Nda kati, “mubwini, tula syoma obo.”

Wa kati, “Ee, inga wacita, pele Nse citi.”

Nda kati, “Ee, eco cili kabotu.”

<sup>92</sup> Elyo wa kati, “Yebo cibona na eco cizwido cabusi cakaindi kutala okuya aa cilundu?”

Nda kati, “Iiyi, munene.”

<sup>93</sup> Kati, “Nda kazyalilwa kutala okuya.” Elyo kati, “Bataata bakayaka busena obu kunselelo okuno. Twa kalonga cindi Ne kali kutandila myaka ili kkumi acisambomwe yakukomena. Kwiinde lufu lwa bataata, Nda katola busena. Nda kakomezya mukwasyi wangu. Nda kali waano makumi ali ciloba acisambomwe na makumi ali ciloba alusele, na cintucimwi mbuli ceeco, myaka.” Wa kati, “Nda kalanga cakuzumanana, buzuba abumwi, kwiinda mu milengalenga. Nda kalanga koonse mu zisaka. Nda kalanga koonse ku nyika. Elyo Nsenya bwene cintu cili coonse ciboneka mbuli Leza.”

Nda kati, “Ee, eco ncibyaabi loko.”

<sup>94</sup> Elyo wa kati, “Ako nkekaambo Nce yeeya kuti nywebo nobalombwana mukuwa samu litali ndilyo.”

<sup>95</sup> Nda kati, “Iiyi, munene.” Elyo mpawo cintucimwi cakacitika. Nda kalanga mujulu ku cisamu. Nda kalanga ansi, elyo mpaawo kwakali maapele akali aa samu. Nda kati, “Sena ula zumina ikuti na Ndi cela limwi ya maapele?”

<sup>96</sup> Wa kati, “Koli gwasya. I manko ali mukwaalya.” Nywebo mulizi obo mayelo jaketi kuti niinzi, Ndili masimpe.

<sup>97</sup> Aboobo Nda—Nda kaselemuka, a kujata amwi maapele, a kwaakumba ku kuulu kwangu kwa bulukwe, nywebo mulizi. Elyo Nda kalya. Nda kati, “Eelyo ndi apele bbotu maningi.”

Wa kati, “Iiyi, eelyo ndi bbotu.”

Nda kati, “Ndya kaindi buti eelyo samu?”

<sup>98</sup> Wa kati, “Nda ka cisyanga omuya. Atu bone, ndya myaka ili makumi one aciloba, makumi one alusele yakukomena, cintucimwi mbuli ceeco.” Kati, “Nda kasimpa katabi kaniini.” Kati, “Nda kacibweza kuzwa kubusena bumwi, kuzwa kubusena bumwi bumbi, a kucileta kokuno.”

Nda kati, “Iiyi, munene.” Elyo Nda kati, “Sena lila zyala mwaka aumwi?”

<sup>99</sup> “Mwaka aumwi ula zyala maapele mabotu.” Kati, “Tula bikka maapele manji mu tugabba kuzwa awo.”

<sup>100</sup> Elyo Nda kati, “Ee, eco ncibotu loko. Ndili kkomene kumvwa ceeco.” Elyo Nda kati, “Yebo ulizi, mpaawa kuli mu fifitiini ya Ivvivwi” Nda kati, “Ngu makumi aali fuka mu cimvule kutandila ciindi coonse.” Nda kati, “Nceenzu kuti matu oonse ayo ali mukuwa kuzwa ku cisamu eco, alimwi tii twa kajisi caanda.”

<sup>101</sup> Elyo wa kati, “Oh, oyo—oyo, musinza wajokela ku muyanda.”

“Oh,” Nda kati, “obo mbo cibede?”

Wa kati, "Iiyi."

Nda kati, "Mpawo ujokela ku muyanda, ku kaambo nzi?"

<sup>102</sup> Wa kati, "Ee, ikuti na wakkala kutala okuya, mapeyo inga acijaya."

Nda kati, "Kujaya nzi?"

<sup>103</sup> Wa kati, "I samu. I mbuto ya buumi ili mu musinza oyo, ulainka ansi a ku yuba mu miyanda."

Nda kati, "Oh." Nda kati, "Lino, sa eco... Ino kujatikizya..."

Wa kati, "Ee," wa kati, "eco tacili cintu cigambya."

Elyo Nda kati, "Peepe, peepe. Oyo mucito buyo wa bulenge."

<sup>104</sup> Wa kati, "Yebo ulizi, Ndi yanda ku kwaambila cintucimwi." Wa kati, "Kamutana kuya ambele, Ndi yanda kwaamba ceeci. Kuti Nda kamvwa mukambausi ciindi cimwi, kuti Ndi yanda kumvwa ciindi cimwi, ikuti na wasola kuboola ku cisi eci alubo, Ndi yanda ku mumvwa."

Nda kati, "Oh? Eco ncibotu," Nda kaamba.

<sup>105</sup> Wa kati, "Wa kali okuno ku Acton kutandila myaka yobilo yainda mu kkampeini kubusena bwa i-i masena aanze a Methodisti okuya, masena azivuka aa Methodisti."

<sup>106</sup> Elyo Banks wakalanga. Nda kacebukila kuli Banks, Nda... Eco, Mukwesu Wood. Nda kati...

<sup>107</sup> Elyo wa kati, "Nda luba zina lya muntu mbo lyakabede lino." Kati, "Yebo ulizi, tana kali mu cisi eci." Elyo kati, "Mulindu mucembele," muntu umwi, "ukkala kutala kuya kutandila maile, aatala lya cilundu." Kati, "Waa kali kufwa ku kkulenge. Elyo baka mutola ku Louisville, mamaile aali mwaanda a makumi obile, elyo madokotela baka mutenda kujuka. Elyo ida lyakwe lyoonse lyakali zambaidwe, matumbo a zyoonse, ku kkulenge. Elyo tii bakali kukonzya kumu citila cintu." Elyo kati, "Mpawo ba kaleta... baka musuma aku mu josya. Elyo mukaintu wangu a Ndime twa kali kuunka kutala mazuba oonse. Elyo tee bakali kukonzya kumunyamuna limbi; twa kali kunga twakwela buyo mulembo a kucinca bulo bwakwe." Elyo kati, "Twa kali kuunka kutala okuya kwa mvwiki zisyoonto." Wa kali kulanga buyo busiku bumwi kuli nguwe kufwa, na kufumbwa ciindi. Elyo kati, "Mucizi wakwe ukkala okuya ku kalonga kambi." Nywebo mulizi, eyo nije nzila njo muulika zina, kumusanza okuya. Tauli mugwagwa; kalo nkalonga. "Okuya ku kalonga kambi."

<sup>108</sup> Nda kamvwa muntu umwi kaseka. Ci zwide buyo bana Kentucky mukati muno. Okuya... Ee, Nda kazyalilwa oko nkobaita kuti Little Renox kunselelo okuya. Basyanene bakali kukkala ku Big Renox, oyu uutila mu Bombshell. Kalonga ka Bombshell kaboola kuselemukila ku Little Renox, akuselemukila ku Fork yaku Casey, akweenda monya mu

Mulonga Cumberland. Lino, oko nkuutala buyo lya Greenbrier Ridge. Nko nkuko baama nkobaka zyalilwa, kutala ku Greenbrier Ridge.

<sup>109</sup> Elyo wa kati, “Oyu mwanakazi wakali kukkanala aa busena bumbi.” Elyo kati, “Kutandila mamaile ali makumi obilo kuzwa kokuno. Elyo waa kasika masiku ayo, alimwi waka kkede kusule kwini ku busena obo bwa zivuka.” Elyo kati, “Oyu mukambausi, cindi naakali atala awo, ula kombela balwazi.” Elyo kati, “Wa kali kwaambila bantu makani obo mbo bakabede, a koonse kujatikizya ncico.”

<sup>110</sup> Kati, “Oyu mwanakazi wakamuka, nkabela taka jana limwi lya makkadi ayo ngeba kali kuvozya.”

<sup>111</sup> Elyo kati, “Oyu mukambausi waka muvuulukila, a kumwaambila, kati, ‘Yebo ulizi, yebo, mulindu uukkede kusule okuya, nduwe *Niini-a-niini*. Elyo sunumasiku cindi nowazwa ku ng’anda, wabikka katambala kaniini mu kabbuku kako kamu nkomo, kajisi cibumbwa ca bbulu mu kkona lyako.’ Kati, ‘Elyo ujisi mucizi uulikidwe kuti *Niini-a-niini*.’ Elyo kati, ‘Uli mukufwa a kkulenge lya mwida. Nda kacibona buyo mu cilengaano. Lino, kobweza katambala ako, a kuunka kuyo kali bikka ali nguwe. Elyo, MBUBOOBU MBWAAMBA I MWAMI, uyo oba kabotu.’”

<sup>112</sup> Wa kati, “Elyo mulindu... Busiku obo, twa kamvwa coongo cibyaabi loko, atala lya cilundu. Nda kayeeya kuti baka jisi ba Saluveshioni Armi kutala okuya,” wa kati, “kutandila akatikamasiku. Elyo twa kayeeya kuti mulindu mucembele wakafwa.”

<sup>113</sup> Elyo wa kati, “Yebo ulizi cintu na? Mebo a mukaintu wangu bakaunka kutala buzuba bucilila, kubona kuti na inga twapa kuumbulizingwa, cifumo maningi. Elyo ngooyo waa kakkala aa tafuli, a mupika wa kkofi, kutila kkofi, alimwi walo a mulumi wakwe bakali kulya mapaaai amaapele akangidwe ali mbuli cisela ca mweezi a kalimbabula.” Nda kati... .

<sup>114</sup> Mbangaye bazyi mapaaai amaapele a cisela ca mweezi mbwabede? Nywebo mulizi, Nda anguluka lino. Eco cakali buyo... Nda ayanda, alimwi Nda botelwa kusonsaila sogamu ya molaseesi ali ngawo. Elyo Nda kalanga konse mu busena obu kuyanda molasesi ya sogamu. Elyo ikuti na Nda jokela okuno alubo, Ndiyo liletela buyo bbakete, nkaambo Nse konzyi buyo kuzwidilila kakutakwe ndilyo. Elyo nywebo mulizi, Nda—Nda belesya bunji bwa ngawo, nkaambo Ndi baanga muna Baptisti, nywebo mulizi. Nse—Nse—Nse syomi mu kusansaila makkekke. Nd aabbizya buyo oonse, kabotu loko. Elyo Nda... Aboobo Nda tila molaseesi ali ngawo, kulema.

Aboobo mpawo wa kati, “Waa kali kulya eco.” Nda kati... .

Nda kayeeya, “Eci nce ncico.”

Nda kati, "Lino, towambi ceeco."

<sup>115</sup> "Ee," wa kati, "koya nkoonya kutala okuya ukali bonene lwako." Kat, "Eyo yakali myaka yobilo yakainda." Elyo kati, "Ta citi buyo mulimo wakwe wini; ula cita mulimo wa simukobonyina." Lino, mwabona, wa kali kukambauka kuli ndime mpawo.

<sup>116</sup> Nywebo mulizi, baama bakali kunga baamba kuti, "Kopa ng'ombe lutambo lulamfu, iyo lyangilila lwayo." Aboobo eco cili kabotu. Wa kabikka cituta cakwe ku mulomo wakwe mwini, ciindi eco, cindi na kati—wa kati, "Koya kutala okuya a kulanga."

<sup>117</sup> Nda kati, "Lino, langa, munene. Sena waamba kuti madokotela bakatenda mwanakazi oyo kujula a kumujana kkulenge?"

"Mbo mbubo."

<sup>118</sup> Elyo Nda kati, "A kumu suma? Elyo mpa wo waamba kundaambila kuti ulya mwaalumi okuya, mamaile ali kkumi aosoanwe kuzwida awa, kabona mwanakazi oyo a kwaamba nciconya eco cakali kuyo citika cindi niba kabikka katambala? Elyo mwanakazi oyo wakazunda kkulenge eelyo?"

Kati, "Koya nkoonya kutala okuya. Njo kwaambila nzila ya kusika okuya."

<sup>119</sup> Nda kati, "Peepe, peepe. Ndi bweza ijwi lyako." Nda kati, "Ndi bweza ijwi lyako." Nda kati, "Iiyi, munene. Inzya."

<sup>120</sup> Nda kali kulya apele eli, nywebo mulizi, ciindi coonse, kunyeela. Nda kati, "Eelyo ndi apele bbotu." Nda kati, "Ndi yanda kukubuzya mubuzyo. Ncinzi cakabamba oyo musinza kusiya musamu a kuselemukila mu miyanda?"

<sup>121</sup> "Baa," wa kati, "ya kaleelede, kukuvuna buumi bwayo ku mapeyo."

<sup>122</sup> Nda kati, "Mpawo ciindi citobela cabutololo ca jokela, kumuletela cikama cimbi ca maapele?"

"Mbubo."

<sup>123</sup> Elyo Nda kati, "Lino Ndi yanda ku kubuzya cintucimwi. Ino mbusongo nzi bweendelezya musinza oyo, kwaamba, 'Ngooyu, wawa. Ku jokela ansi mu miyanda a kuyuba. Ikuti na tociti, mapeyo ayo kujaya. Kujokela ansi mu miyanda akukkala alya mane ciindi ca butololo. Elyo mpawo cindi kwa kasaala a kululama, lino kujokela a kuleta maapele amwi ambi ku mulombwana oyu?' Lino, nywebo mulizi obo mbuumi bwa masamu. Ta bu jisi bupambu bwa mbubo. Mpawo, nda ambile obo busongo butuma buumi obo kunsi mu miyanda ya cisamu eco. Ta bu jisi busongo bwa ncico."

Wa kati, "Obo mbulenge buyo."

<sup>124</sup> Nda kati, “Mpawo kobweza bbakete lya maanzi, a kulibikka aa cikunguzyo eco awo, a kubona ikuti na bulenge buyo utola ansi mu ciindi cabutololo bwa mwaka, a kucijosya mu butololo. Mwabona? Peepe, munene. Ino ncinzi?”

<sup>125</sup> Lino, ambali kwa kaindi kaniini. Ni nzila yakabambwa aa Leza. Bubeleka buyo mu nzila Leza mbwa bubambil. Ii jwi liniini lilati, “Koya ansi ku miyanda,” nkabela ulaunka ansi. Lino, cila cita obo kakutakwe bupampu buli boonse. Ino tweelede kucita nzi, kwiinda kuli Leza nguwenya kaambaula kuli ndiswe? Swebo, pele tuli jisi nguzu zya kukaka na kuzumina, alimwi, kanji, tula kaka. I musamu tau konzyi kukaka. Uzyi biyo cilengwa comwe, nku, swilila Simalela wavo.

“Ee,” wa kati, “Nse na ciyeeya kale cili boobo.”

<sup>126</sup> Nda kati, “Nda kwaambila cintu. Yebo Yeeya aali ncico, kwa ciindi cilamfu, kuciindi notuunka kuyo vwima. Elyo cindi Ne kajoka, amu ndaambile mbo cibede...ncinzi caambila musinza wa samu kuselemukila mu miyanda, a kukkala kwa mapeyo, a kujoka alubo butololo butobela. Cindi wabujana obo bupampu bweendelezya obo—obo buumi bwa masamu, a kwaamba, ‘Koya kunselelo mu muyanda, a kujoka,’ Ndiyo mwaambila kuti Mbupampu mbubonya bwa kandaambila, ‘kuunka kuyo bikka katambala ako aa mwanakazi, elyo uyooba kabotu.’”

Wa kati, “Kwaambila na?”

<sup>127</sup> Nda kati, “Iiyi, munene.” Nda kati, “Lyakali zina nzi lya mwaalumi oyo? Sena ulayeeya?”

Wa kati, “Nse konzyi ku ciyeeya.”

Nda kati, “Ta kali Branham?”

Wa kati, “Nce ncico.”

Nda kati, “Ndili Mukwesu Branham.”

<sup>128</sup> Awo aa kasena ako wa kabuka, kajata maanza angu. Wa kati, “Nkambo muziindi zisyoonto zya mu buumi bwangu, Nda bona eco nco pandulula.” Nda kamusololela kuli Kristo.

<sup>129</sup> Mwaka wainda Nda kali kunselelo okuya. Wa kafwa, wakazaya. I luse lwa Leza! Mpawo kwa kakkede mukaintu wakwe, kensi lya samu, kayupa maapele, aazwa ku samu lyomwe. Nda keenda kumbele elyo Nda kati, “Ndalomba Nka vwime?”

Waa kati, “Ta tuzumizya kuvwima kuli koonse.”

<sup>130</sup> Nda kati, “Nda usa.” Nda—Nda—Nda kati, “Ndali kuyeeya kuti Nda jisi kuzumizigwa.”

Waa kati, “Nkuulini nko kajana kuzumizigwa?”

Nda kati, “Mulumi wako.”

Elyo waa kati, “Mulumi wangu uli fwide.”

Nda kati, “Kafwa buyo calino, embo na?”

Kati, "Iiyi. Taakwe nakapa bantu kuzumizigwa."

<sup>131</sup> Nda kati, "Kunsi lya cisamu eci ca apele . . . Mwaka wainda, Nda kali kunselelo okuno, elyo twa kali kwaambaula makani aa cisamu eci."

Waa kati, "Sena uli Mukwesu Branham?"

Nda kati, "Iiyi."

<sup>132</sup> Waa kalosya mpani ya apele. Waa kati, "Mukwesu Branham, wa kafwa mu luzundo lwa Jesu Kristo, bumboni bwakwe bwamamanino."

<sup>133</sup> Ino ncinzi? Kubona buyo, kutali kusola kwiinda mu mathamatikisi yoonse nzila mbo cicitika, pele cintu buyo ciniini citete, kulangilila Leza kabamba nzila, a cintucimwi kubamba mu nzila. Mwabona, Bupampu mbubonya obo bwakali kuyoamba ku musamu utaambauli, "Koya ansi ukasise buumi bwako," obo mbobupampu mbubonya bwakali Umwi Oyo wakatondezya cilengaano ca mwanakazi. Elyo wa kacijata. Elyo ta kakonzya kucikaka, naciba cimwi. Mpaa wo kwa kaimvvi musamu, elyo ngooyo mwanakazi. Ameni. Mwabona? Nzila yakabambwa aa Leza!

<sup>134</sup> Tabana kusola kujana nzila mbotu ya nkuku kuzwa mu cipapa cankuku, kunze lya kuligogomweda nzila ya kupolela. Taba jisi nzila mbotu kwiinda. Sayaansi taina konzya kuleta cintu cili coonse cimbi. Ikuti na wakazapaula cipapa, kuti igusigwe, nikwaka mujaya. Uyo fwa. We elede kutobel a nzila yakabambwa aa Leza, kutegwaa upone. Ameni. Oku kulabeleka aa bantunsi, abalo.

<sup>135</sup> Uli libambilide. Sena mwakasola kubona nkuku niini cindi yazwa mu cipapa? Uli jisi mulomo, umbi muniini atala lya cipapa, cikwalakwala cituba ciniini. Elyo mulombwana muniini omuya, mbuli buyo buumi mbo bwatalika kusika, wa katalika kuguna mutwe wakwe muniini. Ncinzi cicita ceeco? Eco cikwalakwala ciniini cikwamba cipapa, aku cibamba kupapalata. Mbuli mbwa jana buumi bumbi buniini, ula talika kuuma a cintu eco ciniini. Elyo amana kuzwa kale mu cipapa, ta ciciyandi limbi, aboobo cila loka buyo.

<sup>136</sup> Elyo cintu cicita, nkuli kwabilida kwa mamanino a mulomo wayo. Ikti nikwaatali booboo, niya kaba a mulomo upilingene, nkabela niyata kabweza nseka yazyo. Oh, ma! Leza wakabamba nzila ya kuponena! Leza ula mubamba bamba, nzila buyo ya kuzwa awo. Kwiina nzila mbotu maningi. Kufumbwa cintu cimbi inga camujaya. We elede kuboola mu nzila yakabambwa aa Leza. Lino, ikuti na wasola kupanga nzila imwi na kuyeeya nzila imwi, uyo cijaya.

<sup>137</sup> Eelyo nde penzi ku mbungano ya Bunakristo sunu. Yalo isola kuzumina nzila ya kapangwa, mu busena bwa kuuma kubamba mapolelo ayo, kuya mu Bwami bwa Leza. Ca soleka nzila imwi

iimbi, nkabela ta cikabeleki. Ula jaya mulwazi wako. Wa jaya muvwanda wako—wako—wako, muvwanda wa Leza, kwiinda ku kusola kupanga nzila imwi. “Oh, ta kuyandiki eci awa koomoka a kulila. Ta kuyandiki koonse *oku*, koonse *oku*.” Oh, iifyi, njeeyo we. “Taku yandiki eco kufwa.”

<sup>138</sup> Citakuti kuli lufu, taku konzyi kuba kuzyalwa. Kuzyalwa kuboola biyo kwiinda ku cintu ca lufu. “Bulotwa bwa whii ti bwatawida mu bulongo a kufwa, bula kkalilila bulikke.” Bweelede kubola, a kunjila mu kubola, elyo mpawo kuzwa ku kubola oko busonsa buumi. Taakwe nzila imbi iyo beleka. Yeelede kubola lutaanz, a kubola. Elyo nje nzila mbo tweede kuba; kufwa kuli lwesu a kuzyalwa bupya bwa Muuya Uusalala.

<sup>139</sup> Peepe, tabana jana nzila mbotu iili yoonse ya nkuku kuzwa mu cipapa, kwinda kukupokola mu nzila yayo ya kuzwidamo. Eyo ni nzila yakabambwa aa Leza kuli nguwe, alimwi uli libambilide ku cicita. Leza nata kabamba nzila kakutakwe kwiibambila ca kubelesya. Aboobo Wa kabamba nzila, a kubamba cibelesyo ca nkuku kuiliangulula mwini. Ameni.

<sup>140</sup> Lino, akwalo taakwe niba kasola kujana muzeezo mubotu uli oonse wa madakisi a magiizi wakuboola ku musanza, kuzwa ku nyiika, kunze lya kubungana antomwe elyo mpawo kuuluka munzila yawo kumusanza. Taakwe nzila imbi. Nywebo mwabona, kataninga kuulukila kumusanza, na kuuluka kuzwa kumusanza kujoka kunyiika, ala bungana, lutaanz. Kataninga kusiya masena awo na maanda, ku maanda mapya, ala bungana. Inzuki zila cita mbubonya. Zila bungana. Obo mbulenge. Ino ncinzi? A jisi lubukulusyo. Ale enda antoomwe akubungana. Tamuna kumvwa coongo cili obo mu buumi bwanu.

<sup>141</sup> Elyo katutana kukonzya kusola kusiya busena obu, kuli bumwi bupya, tweede kubungana mu lubukulusyo.

<sup>142</sup> Oh, na waswena ku cikama ca madakisi a masekwa, tona mvwide kubwelebweza maningi mu buumi bwako boonse. Ino bajisi nzi? Ilubukulusyo. A laafwi kuulukila mu luwo. Ameni.

<sup>143</sup> Nce ncico nco tu yandikana sunu, ndubukulusyo lukubunganina kweenda. Taakwe nzila imbi; kutali bumembala. Leza talanganyi banji. Walo ulanganya kusinizya mu nzila Yakwe ipedwe.

<sup>144</sup> Lino, tabana kujana cimwi cakubweza busena bwayo. Ta kukonzyi kuba nzila mbotu kwinda. Lino, kupa mukozyanyo ino kuti sayaansi yati, “Otudakisi tuniini tucete. Ta tuciyandi kuti ka tweenda antoomwe. Elyo tuyu kuwaala kanyandi atala lyato, katu taninga kulibambilka kweenda atoomwe. Elyo tuyu basololela moonya mu cizangala, nkabela tuyu batola kunselelo.”

<sup>145</sup> Eco cili mbuli, kuba bikka mu kabunga kamwi na cintucimwi, nywebo mulizi, kwiinjizya mu cizangala kubusena bumwi. Eyo nje nzila yakwe kuya ku cijailo. Uli zyi kuti uya ku

buyake bwa cijailo cindi anjila mu cizangala. Pele cindi naunka mu nzila yakabambwa aa Leza, uli kulaale kuzwa kuli ceeco. Aboobo, ndiza ta keelede kwaamba eco. Tii ndaka cikanzila mu—mu nzila ya kusampaula ka kabunga. Pele mulizi eco Nce wamba. Ndiza nkukoonse . . .

<sup>146</sup> Eyo taili nzila yakucicita. To konzyi kuzuza kunjila mu kabunga, akuli bikka mu cizangala lwako a kwaamba, “Ndili muna Methodisti, na Baptisti,” na bumwi bumbi. Eco tacili ncico. Peepe, peepe.

<sup>147</sup> Yebo weeled e kubungana. Mbo mbubo. Yebo weeled e kuboola ku busena nko konzya kuli donkola lwako.

<sup>148</sup> Aba, bala boola antoomwe, alimwi bala njila mu cizangala eci. Elyo—elyo cindi ba . . . Ikuti na bacita booboo, ba lizi kuti bali mu lweendo kuya ku buyake bwa cijailo.

<sup>149</sup> Pele, lino, ino kuti mwakonzya kuzibikka zyoonse, ku zisololela a kuzibikka mu cizangala, a kuzitola kumusanza, ku zyaangulula. Mpawo, kaatana libambilika kuuuluka antoomwe, mpawo kuwaala kanyandi aali mbabo. “Ta tasyomi mu mazuba aa maleele.” Mwabona? “Nywebo notudakisi tuniini, tamu cikonzyi kuuluka limbi. Ayo akali madakisi aa bukkalo bumbi.” Kufumbwa kuti Leza wapanga dakisi, Ula abamba kukozyanya onse. Elyo ikuti na Leza upanga nzila ya dakisi ya kuunka, eyo nje nzila madakisi oonse mbwa enda.

<sup>150</sup> Sa mulizi obo mbwa konzya kucita? Inga ajaya elyo dakisi kumalekelo. Inga lyaubauka loko, mababa aloyo inga takomena kabotu. Inga tee lyakonzya kuuluka limbi. Mboli buyo mweeninyina wa lubuwa lwamu mpulazi, lyonse da nape taakwe dakisi. Mwabona? Ta jisi mababa akuligwasya mwini. Mbo mbubo. Mwabona? Inga nilya kabo likompeme mboli mweeninyina wa lubuwa lwamu mpulazi, babunyina bwakwe batubungwe abo batainki kuli konse. Mwabona? Mbo mbubo. Mwabona? Mbo mbubo. Nko konse mbwa konzya kuba, mukompami wakaindi. Inga taaziba cintu cijatikizya kuuluka kwa bulubusi. Ameni.

<sup>151</sup> Eelyo nde penzi sunu. Tu sola kubabikka mu zizangala, a ku baambila kuti, “I mazuba aa maleele akainda. Elyo ta kakonzya kulisyoma mwini, matende akwe kuzwa aansi. Inga kwa mujaya. Inga nataka pona kwa ciindi cilamfu.”

<sup>152</sup> Pele, nywebo mulizi, eelyo dakisi liniini inga lyati, ikuti na inga lya vviila, “Peepe, nda kulumba.”

<sup>153</sup> “Oh, ncitete. To jisi cintu cakucita. Inga walilemeka buyo nzila njo yanda.”

<sup>154</sup> Inga wati, “Nda lumba. Nda cita nzila Nje yanda, nkaambo kuli cintucimwi muli ndime, cibeleka. Ameni. Elyo Nde elede kucita nzila Nje yanda.” Elyo muntu aumwi uuzyedwe aa Muuya wa Leza, kuli cintu cimwi ceenda muli nguwe. We

elede kuulukila mumajulu, kunyanyamukwa kumwi, cintucimwi cimbi eco cicibamba kuba kasimpe.

<sup>155</sup> I mulombwana muniini kumalekelo wakali kunga waba mbuli nkuku, muyuni waang'anda. Ta kakonzya buyo kugwisya matende akwe kuzwa aansi limbi. Aboobo ikuti na nkuku lyoonse ya zumanana kuuluka mu mulengalenga, baa, inga yaunka kabotu. Inga ya unka kujwe, kumbo, kunyika, a kumusanza, a kubona zintu.

<sup>156</sup> Elyo cintu cimbi, nywebo mwabona, inga tiya cikonzya. Nkaambo, mu lweendo kuselemukila ku Canada, ula bweza misyobo yandeene ya zibelesyo, cakulya nca takali nojana ikuti na waka mubikkide mu cizangala, ku musanina buyo maila ciindi conse. Sa inga mwabala aakati ka mizila? Wa mubikka okuya, aboobo ili zyi buyo Buzumini bwabukombi bwa Baapostolo, butegwa, a nzila ya kuunka ku kwiiya kwa Munsono, elyo oko kutandila buyo koonse kuliko kuli ncico; kubbadela mukambausi, a kupona nzila njya yanda.

<sup>157</sup> Pele, oh, cindi wanooli mu kuuluka, ameni, cindi wanooli mu kuuluka, ulabweza kunji kwiinda kansiyansiya kako ka kabungwe. Yebo ubwezelela mavitameni, mavitameni aa kumuuya ayo aayaka mubili oyo muyumu, uuzwide milambi, a mapepe amababa akonzya kukunyamuna kuzwa ku matende ako akukutondezya zintu ziciza. I Muuya Uusalala, "Cindi Walo, Muuya Uusalala wasika, Uyo tondezya zintu ezi kuli ndinywe, kuyubununa zintu ezi kuli ndinywe ezyo Nze kamwaambilila; alimwi uyo mutondezya zintu zyelede kuboola." Iiyi. Peepe, inga tomu bikka mu cizangala a ku mutola. Inga tee cabeleka. Peepe. Ikuti na wamubikka mu cizangala, uya ku cijailo.

<sup>158</sup> Awalo muntu taka konzya kusola kusala mukondo mubotu kwinda ngwa konzya. Inga mwaunka a kwaamba, "Lino, Ba. Dakisi, Ndiyo mwaambilila cintucimwi. Mwa tozya nzila iilubide. We elede kuunka awa, koli cinca nzila. Koya kunselelo lya nkomwe awa, ila inka. Ncibotu kwiinda kuunka nzila njounka." Ta cikabeleki buyo. Peepe. Peepe. Ba yeeya kuti baliizi kabotu inzila kwiinda inzila yakabambwa aa Leza kuli mbabo. Pele, ba lizi.

<sup>159</sup> Na, sa inga wasala musololi mubotu kuli mbabo kwiinda musololi wakapegwa aa Leza waka bapa? Elyo muntu taka konzyi kusala bishopo, na kabunga, na kufumbwa cintu cimbi eco ciyo tola busena bwa busololi bwa Muuya Uusalala ku Mbungano. Taakwe cintu cimbi cikonzya kucicita. Nzila yakabambwa aa Leza! Leza wakabamba nzila kuli mbabo, Musololi, Musololi wakananikidwe.

<sup>160</sup> Elyo musololi oyo uli nanikidwe. Baa, Nda kabalangilila ziindi zinji, cindi Nda bweza lweendo lutaanzi lwa kuvwima, kuunka ku mbelele na cintucimwi cindi nomweelede kuunka cakufwambaana, kutala mu malundu. Tii kwakali meenda

akangide lyonse. Ndiza, kutala okuya, caanda ciniini ciyo vumba mulundu. Oyo muuwo utontola uyo fumpa ansi atala lya mulundu. Ngooyo musololi wakunyama wakazyalwa akati kabo. Inga wazuzila nkoonya ku lwizi olo mbuli obo, a kulila ziindi zyone na zyosanwe, alimwi awo kweenda antoomwe kwasika. Iiyi, munene. Boonse bali muzyi. Bali muzyi ku nzila mbwa lila. Oh, ma!

<sup>161</sup> Nywebo mulizi eco Nce kali kukanana busiku bwainda, mweembo wa Makanimabotu, ikuti na wapa kulila cakutamvwisigwa. Kulila kwakwe takupi kuu-... Tapi kulila cakutamvwisigwa. Alo madakisi eeni. Alizyi kulila kwa dakisi. Ino cuti wa wabikka nkanga yakaindi alya, na kkalukkuni? Kulila kwakwe inga tilya mvwika kabotu. A lizi kulila kwa musololi.

<sup>162</sup> Elyo mbungano yeelede ku ciziba. “Bala ciwa ca bukombi, balakaka nguzu zya mbubo,” bali boobo, taba lekeli kusololela. “Basikainya, basikulisumpula, basikuyanda misaalo kwiinda basikuyanda ba Leza, basikujaya zizuminano, basikulengeleyza twaabmo twabubeji, batalyeendeleli,” a basikusampaula madakisi ayo auluka. Mwabona? Mwabona eco Nce pandulula?

<sup>163</sup> Ba—ba lizi kulila kwabo kwa Makanimabotu. “Mbelele Zyangu zilizi Jwi Lyangu.” [Kabeela katakwe cintu aa teepu—Mul.] “Ii mweenzu tazika mutobeli.” Leza lyoonse ula citondezuya kabotu.

<sup>164</sup> Amubone, lino. Elyo taba konzyi kujana ii... Inga tee waba basalila. Ino cuti wa unka okuya, elyo wa kati, “Oh, mulindile aniini, otudakisi maniini. Mwa lubila nconzyo. Ngooyu mukombwe wa madakisi mubotu amupati. Ma, uboneka kuba mwaami aakati kanu. Elyo eno mulizi eco nce Ndiyo cita? Njo tila maanzi masyonto atala lya mutwe wakwe, alimwi Njo munanika. Ndiyo mubamba Mwaami Dakisi. Elyo Ndiyo bikka musyini aali nguwe, a kumusamika bwandeene aniini, boobo nyoonse myua kumuziba. Lyoonse kutobela oyu mulombwana awa, nkaambo uli yiide aumvwisywa kabotu.” Mwa angulwide mu ciziba. Wa kali kukonzya kulila mbuli mbwa kali kuyanda. Dakisi lyoonse liyo mu futatila, nkaambo upa kulila cakutamvwisigwa. Inzya.

<sup>165</sup> Pele amulekele dakisi eelyo liniini lyakasalwa aa Leza kuba musololi, alekwe alile, a kulangilila oonse kaenda antoomwe kuya ku lubukulusyo. “Oko kuli mutunta, basikwaze bayo bungana.” Uli zyi koonse kujatikizya ncico. Mwabona? Aboobo Uli—Uli jisi nzila ipedwe. Alimwi madakisi aliizyi nzila ya kabambwa. Cabija loko cuti muntu taciti. Yaa. Pele eyo nje nzila mbo cicitika, lino. Yaa.

<sup>166</sup> Ikuti na ndi dakisi lisololela linanikidwe, uyo balaleta ku busena bwa kabambwa a Leza bwabo. Elyo ikuti na twa swiilila buyo kuli ceeco Musololi ncaamba, Muuya Usalala, Uyo tujosya

nkoonya ku Ijwi alubo. Eyo ni nzila yakabambwa aa Leza. Mu mugwagwa ta tuyandiki tuyanza a kabungwe, a nsaku zya musokwe. Kuli bwizu bumwi bwa mu ziziba a zintu nzo tweede kulya, madakisi alacita, kuya buselemuka. Elyo kuli zyakulya ezyo i... Nincobeni, i—i malubaluba aa Leza, zilenge zisukamina ku julu zilya mu mugwagwa, alimwi nkuti, "Muntu taka poneni ku cinkwa cilikke, pele ku Ijwi lyoonse eelyo lizwa ku mulomo wa Leza." Mwabona?

<sup>167</sup> Eelyo dakisi, sikusololela dakisi, liyo basololela ku busena bupedwe aa Leza, kugama buyo ku Louisiana. Oko, limwi ly a ambi aya inga tii lyaziba nkolyali kuya, kutanta alya a kuzunguluka.

<sup>168</sup> Nda kali kubala mu *Life* magazini, kutandila myaka yotatwe na yone yakainda, oko kwakali mweenze wa madada wakaindi waka talikila a nkamu kutala kuya. Elyo wa kataminina kuti wakali musololi. Elyo cintu citaanzi mulizi, aka golela kutala mu England, tabana joka. Mbo mbubo. Aboobo beeledge kulangilila misyobo wa dakisi na mweenze wa madada ngo batobela. Aboobo ba lati, okuya mu England... Balo mbasikulila bana Canada, abalo. Elyo ala unka okuya mu England, alimwi onse alazunguluka, kweenda antoomwe, pele taazyi nzila ya kujokela. Oh, ma!

<sup>169</sup> Ncibi loko mbungano yaka cisobana maningi eco, acalo, katobela kuzwa mu busena, taazyi nzila ya kujokela. Kwaamba, "Ee, tu... Ndi mvwa kuti banene bakati, taimuzi banene bakaambilila banyinakulu bakati, kuti bakali kunga bajisi miswaangano ya kuponya mu mbungano. Kuti mazuba amaleele akamana," lekela muntuumwi akuleesye mu mukondo utaluzi. Neibotu watobela nzila ya Leza iinanikidwe, nzila ilikke.

<sup>170</sup> Amubone, eli dakisi liniini, taakwe umwi wakasola kwaenza kumbi kwandeene. Ba lizi kuti musololi oyo muniini uyo basololela mbubonya buyo ku busena bupedwe aa Leza. Elyo mbobuti mbwa cicita? Kwiinda ku zibelesyo zyakwe zyakabambwa aa Leza. Uli jisi maantennasi akwe, ciindi coonse, mbuli mbo tweede kuba angawo, kukujata Muuya, maantennasi esu akumuuya.

<sup>171</sup> Lino, tu jana kuti uyo tanta mujulu, kulaale mujulu. Uli jisi maantennasi akwe katandabikidwe. Uli zyi musyobo wa cakulya eco madakisi aya maniini ncaeledge kuponena, ku kubamba kuuluka oku. Aboobo cindi abweza cintucimwi ansi eeni, uyo mubona kauluka mu luwo, nkabela ansi wasika. Yoonse nkamu iyo seluka nconzyo, kuba buyo jubbili ya kulya bufulefule. Elyo uyo honki, kutala mu luwo bayo unka alubo, kugama ku musanza. Mbo mbubo. Musololi wa Leza, musololi wa Leza wa madakisi. Mbo mbubo.

<sup>172</sup> Ndi yanda kwaamba cintucimwi cimbi. Nywebo mulizi, tabana konzya kujana munzila ya sayaansi, akujana nzila mbotu

ya muvwanda kujana eco nca yanda kunze lya kulilila. Nywebo mulizi, taba konzyi ku muyisya kuvuluma. Elyo taba konzyi ku muyisya kwaambaula kufwambaana oko. Pele mulizi nzila mbwa cicita? Walo ubweza buyo nzila yakabambwa aa Leza kuli ncico. Ula cililila, koomoka, a kubbansa, akukwiila mane wa cijana. Mwabona? Mbo mbubo. Eyo nje nzila ilikke, nku cililila. Taba konzyi kujana nzila mbotu kwiinda yakabambwa aa Leza. Mbo mbubo. Kucilekela buyo kuunka. Elyo ezyo zintu zyakunyama...

<sup>173</sup> Nda kaima, okuno kutali ciindi cilamfu cainda, mu Germany, alimwi kali kukanana ku nkamu mpesi ya bantu. Elyo Nda kati, "Ndipenzi nzi kuli ndinywe nobana German? Nywebo mulizi, Nda kali kuselemuka kagwagwa, a mubwa wakakuwa, nkabela wa kamukuwa mu Chikuwa." Nda kati, "Ii mutumbu wakali kusola kuzibya muvwanda wakwe okuya ku mootokala, kaindi kainda, elyo wa kali kulila, alimwi wa kali kulila mu Chikuwa." Nda kati, "Ino tunyonganina nzi toonse? Mwabona? Baunka mu nzila yakabambwa aa Leza. Elyo twa kazwa ku ngazi ya Bbabelo, nywebo mwabona, ya kanyongana koonse." Mbo mbubo!

<sup>174</sup> Ulizi nzila yakabambwa aa Leza ni nzila mbotu kwiinda. Ta bazi nzila mbotu ya muvwanda kujana eco nca yanda lyaku cililila. Mbuli Dr. Bosworth mbwa kali kunga waamba, "I muvwanda oyo ulila maningi nguu jana kukutaukilwa kubotu maningi." Eyo itandila kuba nzila kuti mboibede.

<sup>175</sup> Eco ciinka ku bana ba Leza. Nda konzya ku cikozyanisa kuli ndinywe. Ii muntu wabuka, atala, kwamba, wanyeela cewingamu wakwe kabotu loko, "Yebo ulizi, Taata, Ndili waano sunumasiku. Ikuti na Uyanda kundipa Muuya Uusalala, ncibotu. Ndili waano. Pele ikuti na Uyanda kundiponya, Ndili kkede awa. Pele ikuti na To citi, baa, yaa. Nduyando Lwako, Mwami." Wa kalemba luyando, omu mu Bbaibbele. "Olu nduyando Lwako." Yaa. Olu nduyando Lwakte, mpoonya awa. "Elyo ikuti na Uyanda kuti kulujana, Nda lutambula. Pele, nekubaboobo, ikuti na To citi, baa, kuli kabotu." Tamu kakonzyi kusika kuli koonse.

<sup>176</sup> Pele lekela umwi asike alya a koompolola, mbuli Buddy Robinson. Wa kaima akati ka muunda wa mapopwe. Wa kaanga kambongolo kakwe. Wa kati, "Mwami, ikuti na To kondipa Muuya Uusalala, cindi Wa akujoka Uyo jana cilwi ca mafuwa kaalede mpoonya awa. Ndiyo kkala awa mane Nka Utambule." Oyo mulimo.

<sup>177</sup> Leza lyoonse ula kulwaizya bantu Bakwe, bana Bakwe basyoma, lyoonse kuunka mu nzila Yakwe yakabambwa. Oyo muzeezo wa Leza, ku kulumbaizya ku bana Bakwe, nzila Yakwe ipedwe. Koompolweda eco nco bulide. Walo uyanda nduwe koompolola.

<sup>178</sup> Cindi Petro nakatalika kweenda, keenda aa maanzi, wa kayeeya kuti wakali kuya buzwidilila kabotu. “Sa wabona cipati Nce cita?” Wa katalika kubbila. Ta kaamba kuti, “Ee, Ndi yeeyela kuti caka kakilwa,” kuyaansi agolelwa, maccovu masyoonto ayutuka, elyo oko kwakali koonse kwa ncico. Mwabona? Peepe, peepe.

<sup>179</sup> Wa koompolola, “Mwami, kondi futula.” Ameni. Elyo janza eelyo Litamani lyu kasika ansi a kumu nyamuna alubo. Nkaambonzi? Wa koompolola.

<sup>180</sup> Eelyo ndepenzi ku mbungano. Ta tukkali awo kwa ciindi cilamfu. Ta toompololi kwa ciindi cikubwene. Ta tujatilili aali ncico. Ikuti na muvwanda muniini uyanda cintucimwi, uyo bboka a kukwiila, akunyona kusubila kumeso. Tula yoowa kuti tuya kubweza (Ino nciinzi, mbo mucita?) mabboli azwa kumeso eesu, na kufumbwa mbo cibede, oyo penti. Yebo wa—yebo wa jana eco nco yanda kuzwa kuli Leza, uyo cigwisya, nekuba. Aboobo, yebo toeleda kupengana kujatikizya ncico. Uyo nyonganya masusu ako, pele eco tacibambi lwandaano luli loonse. Peepe. Peepe, munene.

<sup>181</sup> Lino, Leza ta tulangili ku boola kuli Nguwe a bukanazi bumwi bwabupampu. Nda yeeya Nda kasoleka eco cindi Ne kasola kufutulwa. Nda kali kuyo Mu lembela lugwalo a ku lubikka mu zisaka, nkaambo Nda kalizi kuti Uyo boola kwiinda mu zisaka a ku ndaambila. Ko Mwa ambila kuti Nda usa nsoni kuli lwangu, elyo Nse—Nse kali kuyanda kucicita. Elyo Nda kaselemukila okuya kuyo komba. Nda kati, “Lino, atu bone. Nda kabona cifwanikiso ciindi cimwi, kuti baka bikka maanza abo mbuli *obu*.” Nda kati, “Ba. Jesu, Ndi lombozya kuti Muboole okuno kwa kaindi kaniini. Ndi yanda kwaambaula kuli Ndinywe kwa kaindi buyo kaniini. Ndila swilila.” Taakwe muntu. Nda kati, “Nda kalubizya. Yaa. Ba. Jesu, ndiza Nde elede kucicita mbuli *obu*.” Nda kati, “Ba. Jesu, sa inga Mwa boola kundi gwasya? Ndime sizibi. Ndi yanda kwaambaula kuli Ndinywe kwa kaindi kaniini.” Taakwe muntu wakaboola. Nda kavunga maboko angu. Nda kati, “Ba. Jesu, sa inga Wa boola okuno? Ndi yanda... Nda mvwa bantu kabati, ‘Leza kaambaula kuli ndime.’” Nda kati, “Ba. Jesu, sa inga Mwa boola okuno? Ndi yanda kukanana kuli Ndinywe.”

<sup>182</sup> Mubwini, mpawo dyabulosi wakasika aa cilao. Eyo nje nzila mbwa cita. Inga wa kwaambila, “Mazwi aako ala cisa. Ta kuyandiki kulomba, mwabona. Yebo kolindila, cibweze juunza masiku.” Uli munsi lyoonse cindi nota libambilide. Elyo mpawo wa kati kuli ndime... Pele lyoonse, eco ncaamba, bweza coolwe kuli ceeeo ncaamba. Bweza coolwe ca ncico.

<sup>183</sup> Wa kati kuli ndime, “Uli zyi cintu na? Uli kale myaka ili kkumi afuka, na myaka ili makumi obilo yakukomena.” Kati,

"Uli kale myaka ili makumi obilo yakukomena. Wa kalindila ciindi cilamfu."

<sup>184</sup> Nda kati, "O Leza, Nda lindila kwa ciindi cilamfu. Mwami, akwalo To ndimvwi, Ndiyo Kwa ambila, nekuba. Nda kali kuyanda kucita eci lyoonse." Oh, mukwesu, eco caka Mu leta aa cilao. Mwabona? Ino cakali cinzi? Koompolola, cabuubauba buyo. Koompolola! "Mwami Jesu, Wa kacisomezya, Mwami." Wa kasika aa cilao.

<sup>185</sup> Eyo nje nzila yaku Mu leta aa cilao. Uli muvwanda buyo. Kolila, ko coompolweda.

<sup>186</sup> Uta soli kwaamba cuti, ee, bunji bwa cintucimwi, cimbi, a mupailo wakalembwa mupati wa kwiiya kwaamba, kwa oora na obilo. Eco tacigwasyi.

<sup>187</sup> Mbuli mbo baamba, "Sena waamba mupailo?" Peepe. Ncibi kwaamba omwe. Amu paile omwe. Muta ambi omwe. Amupaire omwe. "Amwaambe mupailo kuli ndime."

<sup>188</sup> Nda kati, "Uta citi eco kuli ndime. Inga wandi kombela, pele uteambi mupailo." Peepe, munene. Peepe. Buyo, kondi kombela cindi wakomba. Ncibotu.

<sup>189</sup> Kolilila kubula kwako. Eyo ni nzila yakabambwa aa Leza. Sa Jesu taka cipandulula cindi Na kaamba mubetesi uutaluzi, ku mwanakazi oyo wakoompolola isikati a masiku? Nkunji buti Taata Wakujulu nkwayo bapa Muuya oyo ulilila Nguwo, isikati a masiku? Kuyandaula, kozumanana kuyandaula. Konkomona, zumanana kukonkomona. Kozumanana buyo kusikila Wajula. Kokkala a ncico. Kulila kusikila Ijwi lya kasyomezegwa lya simpikizigwa, mpawo mwa citambula. Ta mweelede kulibilika limbi. Nywebo mwabona Bbaibbele lyaka cisyomezya, mpawo amukkale mpoonya awo a kulila kusikila mwa citambula.

<sup>190</sup> Ikuti na muvwanda muniini wa bona tunkwa nkabela ula tuyanda, ula lila buyo, a kulila, a kulila, a kukkanla, kubbansa, a kukwiila, a koongolola, akusubila kumeso. Banyina bala muulila tunkwa, nkabela kwamana. Mwabona? Wa kajana eco nca kabona, eco ncakali kuyanda. Ikuti na uyanda kamyaaankuta aisikrimu kkoni yako, uyo zumanana buyo kubusya kukwankana mane aka itambule. Mwabona?

<sup>191</sup> Ee, eyo nje nzila mbo tweede kucita. Ikuti na Nda bona cisyomezyo mu Bbaibbele eelyo ndi Ijwi lya Leza, mpawo Nda kkala buyo awo a koompolola mane Leza wacipa kuli ndime. Elyo inga Wa cita eco, kukugusya ku maanza Aakwe; nywebo mwabona, eco inga caba kunyama. Pele Ula yanda kuti ucicite. Ula kuyanda kuti ulombe. "Amu lombe kunji kuti lutangalo lwanu luzule." Inzya. Inzya.

<sup>192</sup> Kulila kusikila Ijwi Lyakwe lya simpikizigwa. Lino, mweenzuma, atu langilile kwa kaindi buyo kaniini lino. Koompolola kusikila Ijwi lya simpikizigwa.

<sup>193</sup> I penzya lya ncico nkuti, tula jana kkekke akuyeyea kuti nku koonse kuliko. Kuli tafule lyoonse lizwide. Tula jana kutegwa tu konzye kukanana mu myaambo, tu laamba, "Oh, mukwesu, nce ncico." Oh, peepe. Eco tacili ncico. Eco ncimwi buyo ca ncico. Mbo mbubo. "Oh, Nda kakkomanu loko ku koongolola." Eco nkunji kwa ncico. Pele kuli kunji loko kwa ncico. Kozumanana buyo koompolweda, kusikila . . .

<sup>194</sup> Eyo ni nzila yakabambwa aa Leza ya bantu Bakwe. Nzila yakabambwa aa Leza lyoonse nku bweza Ijwi Lyakwe a ku Li jatilila kusikila Lya simpikizigwa kuli ndinywe. Lino, sena mula nditobela? Leza, nzila ipedwe, jatilila ku cisomezyo kusikila ca tondezegwa kuli ndinywe.

<sup>195</sup> Elyo, amuyeeye, Ndili mu bulunguluzi bwa ceeci. Kuti, kufumbwa cisomezyo ca Leza mu Bbaibbele, ikuti . . . Cili aa zyeelolo lino. Nkaambo buyo kakuti ula syoma kuti nko cili, eco ta cicibambi kuti cika citika.

<sup>196</sup> Balo ba Farisi a ba Saduki bakali bakombi ncobeni a cipobwe eco mbuli mbo bakali kukonzya kuba. Pele Leza wakati, "Zila nunka mu mpemo Yangu." Mwabona? Kwakanyina kusiniza. Kwakanyina cintu kuli ncico eco cakeelede kuba.

<sup>197</sup> Weelede kuboola a mbaakani ya cisomezyo, elyo mpawo akulanganya kwako kwa kuyeyea kutozya kuli ncico.

<sup>198</sup> Amulange abo bapaizi bali myaanda yone buzuba obo, na basinsimi, Ahabu mbaka jisi abusena awo. Ba kati, "Romati giledi izulilwa kuli ndiswe. Joshua, kwiinda ku Muuya Uusalala, kaandaanya ceeci. Elyo bana Syria bali cijisi." Elyo musinsimi omwe wakati, "Lino, amulangisyen awa, eco cili luleme ku mbaakani." Lino, wa kali muna Baptisti wini. Elyo wa kati, "Mbo mbubo ncobeni. Eco ncisyomezyo ciyandisi, cisomezyo. Eyo nyika nji yesu." Aboobo waka mubamba meja obile mapati, a kuti, "Koya kutala kuya, a kubweza meja aya a kutonta ba Siria kulaale kuzwa. Eyo izulilwa kuli Israyeli." Mbo mbubo. Kumbaakani, cakali luleme.

<sup>199</sup> Pele ino Mikaya muniini wa kaamba nzi? Wa kati, "Nda bona Israyeli kaimwaikide mbuli mbelele zitakwe mweembezi." Mwabona?

<sup>200</sup> Ahabu, oyo sikuupaupa kunselelo kuya, kalekela Jezebele waka mweendelezya koonse, kacita zintu zyoonse. I Ijwi lini lya Leza kali boola kwiinda mu musinsimi, waka singanya cintu eco. Elyo mbobuti Leza mbwa konzya kuleleka eco musinsimi ncaka singanya mu Zina lya Mwami? Mwabona? Konzyi kuba.

<sup>201</sup> Takukwe makani obo cisi cabukombi mbo tubede, kuvula kwa ntalisyo njo tujisi, cintu canyonganya alimwi canyongana. Ca mana.

<sup>202</sup> Takukwe makani obo buumi bwesu bwa kabunga mbo bubede mu mbungano, tula syoma muli ncico, cili kabotu,

ncibotu, pele cintu canyonyooka. Leza waka tusiya katuta beleki, alimwi ntootuya tuli bikkidwe. Alimwi taakwe kabeela ka makani akale kamwi kakasola kubuka alubo. Aboobo, cili lubide. Ca mana, kulembwa. Ta cili cibotu.

<sup>203</sup> Ijwi Lyakwe lyoonse ndendilyo Ndy a yanda kubona kusimpikizigwa. Liyo simpikizigwa buyo ku ziimo zimwi, nce cindi wa swaana ziimo ezyo. Nywebo mwabona bantu abo bakonzya kubweza Ijwi lya Leza elyo bala Li bamba buyo kuponena mbabo. Elyo bamwi baka jokela ncobeni a Ijwi ndilyonya nkabela taba konzyi kucita cintu a Ndilyo. Cili aa zyelelo. Mbo mbubo.

<sup>204</sup> Amulange awa. Njo mutondezya mukozyanyo wa ceeco mu Bbaibbele. Israyeli yakali mu lweendo kuya kutala ku nyika ya cisyomezyo. Mpaawa kwakasika Moabu, obo bwakali i—bwakali bukombi mbubonya, ncobeni. Oyo wakali mwana wamwana musimbi wa Lota. Elyo amubone cindi Balamu naka selemuka, wakali Leza kaambaula kuli nguwe. Wa kabikka zipaililo zili ciloba, mbuli buyo Israyeli mboya kajisi zipaililo zili ciloba. Wa kabikka zituuzyo zisalala zili ciloba, basune aa cipaililo. Eco ncencico ncobeni Israyeli ncoya kajisi. Elyo cintu cimbi, wa kabikka bagutu bambele bali ciloba, kwaamba zya Mesiya uboola. Obo mbombubo ncobeni Israyeli mboya kajisi. Cambaakani, boonse bakali luzi, cambaakani. Pele cakali aa zyelelo. Ameni. Wa kakakilwa kubona cisyomezyo cini ca Leza.

<sup>205</sup> Eco nce cintu nciconya cakali mu kuboola kwa Kristo. Eco nce cintu nciconya cajokela sunu. Cili ku celelo. Mbubo.

<sup>206</sup> Jobu. Leza (kacita nzi?) kabamba nzila yakabambwa. Jobu, musinsimi, wakali kuyandikana mugwasyi.

Lino, amuswiilile kabotu lino. Ciindi cangu camana.

<sup>207</sup> Jobu wakali kuyandikana mugwasyi. Elyo bantu bakasola kumupa cintu eco, nkabela tiiba kakonzya kucicita. Lyoonse baka gwisya Jobu mu mundando. Pele Jobu waka jokela ncobeni. Wa kali kuyandikana mugwasyi. Leza wakapa mugwasyi wakwe, cindi Na kamupa cilengaano ca Jesu Kristo. Elyo wa kalila, “Ndi lizyi Munununi wangu ula pona. Munununi Wangu,” ngooyo Umwi luzutu, “elyo ku mazuba aakumamanino Uyo imikila aa nyika.” Lino amuyeeye cilengaano.

Yebo wakati, “‘Munununi Wangu.’”

<sup>208</sup> Wa kamutondezya Kristo. Kristo ndi Ijwi. “Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mubili wabuntu a kukkala akati kesu.” Elyo cindi Jobu, mukuba musinsimi . . .

<sup>209</sup> Lino amuswiilile. Jobu, mukuba musinsimi, Ijwi lya Mwami liboola ku i (inzi?) musinsimi. Nincobeni. Nko nkuko Ijwi nkoli boola. Eyo nje nzila mbo ziba naa mbasinsimi na pe. Bala kkala mu Ijwi. I Ijwi lila yubununwa ku musinsimi. Elyo Jobu

wakali musinsimi. Ta kakonzya kubona mamanino, pele cindi na kabona Ijwi, mukuba musinsimi, wa kati, “Ndi lizyi Munununi wangu ula pona,” mbungano niya kamana kukakilwa, zintu zyoonse zimbi nizya kakakilwa.

<sup>210</sup> Naba mukaintu wakwe uyandwa waka mutantamuka, a ku muyanda kwaamba . . . “Nkaambonzi totaliki buyo kuzumanana a kusinganya Leza, a kufwa lufu, Jobu?”

<sup>211</sup> Wa kati, “Yebo waamba mbuli mwanakazi mufuba. I Mwami wakapa; Mwami wakanyanzya; lilelekwe Zina lya Mwami.” Elyo minzumo yakatalika kuzuma, nkabela lulabo kalumweka. I Muuya wakaboola aa musinsimi, nkabela wa kabona Ijwi. Mpawo wa kati, “Ndi lizi Munununi wangu ula pona. Ku mazuba akumamanino Uyo imikila aa nyika. Nekubakuti tuuka twa lukanda twa nyonyoona mubili oyu, nekubaboobo mu mubili wangu Njo bona Leza. Ameni. Njo libonena lwangu. Meso angu ayo bona, alimwi kutali ambi. Taakwe nco twakaleta mu inyika eyi, alimwi kuli masimpe kuti taakwe nco tutola. I Mwami wakapa; Mwami wakanyanzya; lilelekwe Zina lya Mwami.” Ino Mugwasyi! Wa kalomba membala wa mbungano; Leza wakamupa cilengaano. Wa kalomba bishopo kuboola kumupa kuumbulizingwa, mwaalu; Leza wakapa musinsimi cilengaano. Nce ncico nca kabulide.

<sup>212</sup> Israyeli yakali kuyandikana nzila kuzwa mu Egepita. Ba kali kuyandikana nzila imwi, nguzu zimwi zya mpi na cintu cimwi, ku bavuna kuzwa mu maanza aa bana Egepita. Leza wakabambilia musinsimi Ijwi taanzi lini lyaka simpikizigwa. Musa! Mbo mbubo na? Ba kali kuyanda impi kubuka a kubatola kumasena, kuyo zunda bana Egepita. Pele Leza waka batumina Ijwi, musinsimi uujisi Ijwi lyaka simpikizigwa eelyo Leza ndya kaamba kumbele lya Abrahamu, kwaamba, “Lunyungu lwako luyo endeenda mu nyika nyenzu. Pele Njo baswaya a janza lyanguzu,” Ijwi eelyo Leza ndya kaamba. Ba kali kulilila sikunununa, elyo Leza waka batumina musinsimi waka jisi Ijwi. Leza waka jisi nzila yakabambwa yakuziba lwandaano aakati ka musyomi a sikutasyoma. Elyo Leza . . .

<sup>213</sup> Lino, bamwi babo bakati, “Ee, lino, ikuti na cipenzyo cawa, tuyo njila buyo mu cibbadela. Ikuti na cipenzyo—ikuti na cipenzyo cacitika kuwa, mulizi eco neco tuyo cita? Tuyo bweza Mwii. Jones. Uyo ziba nzila ya kucibamba.” Tii cakabeleka. Nekubaboobo, bakali basongo. “Ee, ikuti na cipenzyo cawa, tuyo selemukila kunsi lya bulongo, mu mpangala, a kujala mulyango.” Eco ta cika cigwasyi nokuceya. “Tuyo kkala mu ng’anda, a kubikka cizwato ku busyu bwesu, a—a kubikka musamu usalazyza ali njiyo.” Tii caka gwasya nokuceya.

<sup>214</sup> Leza wakapanga nzila yakabambwa. Iiyi. Elyo cakali (inzi?) bulowa. Leza waka cisyomezya, mu buubauba mbuli mbo cakali kuboneka, ku bweza bulowa bwa kabelele a kusansaila

citendele. Nekubaboobo, Leza wakati yakali nzila Yakwe, nkabela Wa ka cizulizya. "Boonse kuzwa kunsi ly a bulowa bakafwa, mwana mutaanzi."

<sup>215</sup> Cindi Nowa naka yandikana nzila yakabambwa, ku kuvuna beng'anda yakwe, Leza waka mubamba kuyaka bwaato. Kwayanda bakayaka maato akusabwida. Eco ncencico bantu ncoba yeeya sunu. Pele, nywebo mwabona, obu bwakali bwaato busalesale. Antela baka jisi maato kaindi, mbubonya mbo bajisi asunu, pele obu bwakali bwaato busalesale. Bwa kali ii... Amuswiilile kuli ndime lino. Bwa kali bwaato bwakapangwa aa Leza.

<sup>216</sup> Elyo mbungano sunu ni nzila njiyonya. Yeelede kuba mbungano yakidwe munzila ya Bbaibbele. Luzibo lwangu taluli lwakuba eizo cibotu loko mu mbungano, pele luzibo olo luyakwa aa Ijwi ly Leza. "Ezi zitondezyo ziyo batobela abo basyoma." Luzibo lwa kapangwa aa Leza, cintu cilikke ciyo nditolela kujulu. Nce cintu cilikke ciyo kutola kujulu.

<sup>217</sup> Kufumbwa cintu ciyo sumpulwa aatala aali eco, Ta ndikwe makani na mbangaye, "Nda boola..." Kwaamba, "Langa, Ndi-Ndi muna Methodisti mubotu, Baptisti, Presbyteria, na muna Pentekoste." Eco ta cikaambi cintu comwe kuli Leza.

<sup>218</sup> Ceelede kuba kulaililwa aa Leza. Elyo oyo Muuya Uusalala, ku Ijwi. Elyo Muuya Uusalala taakwe nouya kulailila cintu cili coonse cita Ijwi, nkaambo Walo Muuya Uusalala. Bantu bakeenda, oh, kalemba Bbaibbele kwiinda ku Muuya Uusalala, nzila yakabambwa aa Leza.

<sup>219</sup> Lino, Israyeli yakali kuyandika i-i zintu zyakubelesya. Alimwi Leza waka zipa kuli mbabo, alimwi waka pambula musyomi kuzwa kuli sikutasyoma. I cintu nciconya sunu, musyomi a sikutasyoma, bakaandanisigwa.

<sup>220</sup> Musa, Nde elede ku sotoka bulempo bunji eno, pele, Musa, mulanda uusyomeka wa Leza!

<sup>221</sup> Lino amuswiilile, basikale. Bamwi banu mbuli ndime, bali mukusika kulaale mu myaka yabo, amuswiilile.

<sup>222</sup> Musa wakabelekela Leza cakusyomeka. Wa kazundikizya kuyobeka kwabo konse, a boonse ba Datani baka buka akuti, "Kwaamba, kuli baalumi bambi abo basinsimi kunze lyako. Toli bbwe lilikke aa nkomwe." Elyo wa kalizi kuti waka jisi Mulumbe wa Leza wa mbabo. Basikulikozyanisa baka buka.

Musa wakati buyo, "Leza, ino inga Nda citanzi?"

<sup>223</sup> Elyo Wa kati, "Kolyandaanya. Ndiyo mena buyo cintu. Bweza musako wako, a kunjila omuya a kubona delema lyomwe. Mwabona? Njo kutondezya kuti nguni mupaizi, kuti nguni musinsimi."

<sup>224</sup> Elyo Musa wakabeleka mulimo cakusyomeka. Mpawo cindi na kacembaala, myaka ili mwaanda a makumi obile wa keenda

cakusyomeka kuli Leza. Myaka eyi yoonse ili makumi one mu nkanda, kaima misyobo yoonse ya kupenzegwa kwa masi a bantu, cakuzumanana. Elyo mpawo caka boola ku busena kufwa. Wa kabulide busena bwa kufwa. Leza waka mubambila busena aa Mwaala.

<sup>225</sup> O Leza, ndilekele kufwa alya, ambebo, atala lya Mwaala. I Mwaala wakali Kristo, nywebo mulizi. Leza wakapa busena bwa Musa kufwa. Awo Mpe yanda, mebo, Ndi yanda kufwa. Andifwe muli Kristo.

<sup>226</sup> Elyo mpawo cindi na kafwide, mibili wakwe kaulede alya, wa kali kuyandikana basikubweza kkofini. Aboobo Leza wakapa basikubweza kkofini, Baangelo. Nkaambonzi? Ba kali buyo Umwi wakali kukonzya kumutola oko nkvakali kuya. Ameni. Leza wakapa basikubweza kkofini. Mbo mbubo.

<sup>227</sup> Ndi yaamina ku Muuya Uusalala, aa Ijwi, cisyomezyo. Kutali kukugusya ku kuzikkwa kupati. Ba kacita muntu muvubi mu nzila eyo, pele wa katambya meso akwe mu gehena. Mwabona? Kutali kujatikizya kuzikkwa kusakatidwe. Ta cibambi Iwandaano luli loonse. Ndi yanda kubweza nzila yakabambwa aa Leza. “Abo bali muli Kristo Leza uyo baletelezya antoomwe a Nguwe cindi Aku boola.” Oko nkokubamba. Leza wakapangila musinsimi Wakwe uusyomeka busena bwa kufwida.

<sup>228</sup> Enoki, kumane kweenda myaka ili myaanda yosanwe a Leza, elyo Leza waka mwaambila, “Enoki, toka yandikani kufwa. Sa uyanda kutanta ku Muunzi? Sa wayeeya ku muunzi, Enoki?”

Wa kat, “Inzya, Mwami. Ndi yeeya ku muunzi.”

<sup>229</sup> Kati, “Sena wa keenda mu ng’anda ya zipenzyo kunselelo kuya kwa ciindi cilamfu?”

Wa kat, “Iiyi.”

Kati, “Ncibotu, katalika buyo kweenda.”

<sup>230</sup> Enoki wakali kuyandikana manela. Leza waka mupa mugwagwamupati. Eyo yakali nzila ya Leza kuli nguwe. Ka mubambila mugwagwamupati, kutanta! Ta kacita... Wa kaunka buyo nkoonya kutala, mbuli *boobo*. Ta keelede kuminwa, pee. Kuzuzaana buyo atala eni; a Muuya Uusalala, kusule lyakwe, waka munyamuna mpoonya atala. Wa kaunka nkoonya kutala lya mugwagwamupati wa busalali, moonya mu Bwami bwa Leza.

<sup>231</sup> Eliya, nakamana kutapatila masusu akageledwe a masyu akapentedwe, nkambo ka buumi bwakwe boonse, wa Jezebele oyo, mwanakazi mutaanzi, walo a muleli wampuwo wa ciindi eco, oyo waka bikka mukonzyanyo utali kabotu kumbele lya bantu akuba citya bonse kulilemeka bumwi. Elyo—elyo, mubwini, wa kali kuyeeya kuti wakali omwe luzutu wakali kukambauka oko. Wa kabweza buyo cintu mu nzila zyoonse.

Elyo wa kacita kunji loko, mane wakali kuya bukatala, elyo wa kali kuyanda kuya ku Muunzi. Elyo wa kalizi kuti Leza wakali kuzwa Kujulu. Wa kali kuyandikana ntambo kutanta, kuboola ku Julu, pele Leza waka mutumina nkalaki a mbizi zyobilo zya kaduuma kuli njivo. Eyo ni nzila yakabambwa aa Leza ku mutola. Kwayanda wakali kuyandaula lutambo, pele Leza wakatuma nkalaki. Eyo yakali nzila Yakwe. Joshua . . .

<sup>232</sup> Elyo ku mamanino aa lweendo, ayo akali magolelo aa Eliya. Oyo wakali Nowa. Oyo wakali, ciindi coonse, mamanino.

<sup>233</sup> Lino, Joshua, cindi na kaboola ku mamanino aa mukondo, kwiinda mu nkanda, amulangilile, wa kali kuyandikana cizabukilo ca kulanduka Jordano, mu nyika ya cisyomezyo. Leza . . . Walo, wa kali kuyandikana cizabukilo. Pele nzila yakabambwa aa Leza zyakali nguzu, kutali cizabukilo. Wa katuma nguzu, elyo Wa kalesya mulonga. Elyo wa keenda kuzabuka aa nyika njumu. Eyo yakali nzila yakabambwa aa Leza, kutali cizabukilo. Wa kajisi Injinia mubotu. Aboobo, Wa kamutumina buyo nguzu, wakatonta maanzi kujoka kusikila wa kalanduka aa nyika njumu.

<sup>234</sup> Daniele, ku kaambo ka Leza, waka sowelwa mu bulyango bwa balavu. Wa kali kuyandikana lubaya, pele Leza waka mutumina Angelo. Ino ndwandaano! Eyo yakali nzila yakabambwa aa Leza. Wa kali kuyandikana lubaya, pele Leza waka mupa Angelo. Ino nduya lubotu mbo lwakabede! Ula mupa cibotu lyoonse kwiinda mbo mu lombela, lyoonse. Iiyi. Wa kali kuyandikana lubaya; Leza waka mutumina Angelo.

<sup>235</sup> I bana ba Hebrayo, ba kali kuyandikana maanzi, ku mwaya mulilo oyo. Pele Leza waka batumina Muntu wane. Nkukoonse nko bakali kuyandika. Wa kaangununa maanza abo, a kwaambaula ambabo. Ba kazwa katakwe kununka kwa mulilo ali mbabo. Ba kali kuyandikana maanzi; Wa katuma Muntu wane.

<sup>236</sup> I bantu basongo kutala ku Babuloni, kutala mu India, ba kalizi kuti cintucimwi cili aafwi kucitika. Ba kalizi kuti Mwaami waka zyalwa, alimwi baka bulide kkampasi. Leza waka batumina nyenyezei yaku basololela ku Mwaami. Mwabona? Ba kaunka nzila yakabambwa aa Leza. Inga ndayeyela buyo bamwi babo kabati, “Kwaamba, Balsaza, yebo ulizi, uli muntu mulemu. Sena waleta kkampasi yako?”

Wa kati, “Peepe.”

“Ee, mbobuti mboya kusika okuya?”

“Ndiya ku nzila yakabambwa aa Leza.” Eyo nje nzila.

“Mbobuti mboya kusika okuya?”

“Nzila yakabambwa aa Leza.”

“Ino ncinzi?”

<sup>237</sup> “Eyo Nyenyeesi, nje njiyo. Eyo ni nzila yakabambwa aa Leza kuli ndiswe.” Ba kali kuyandikana kkampasi, nkabela Leza waka bapa nyenyeesi.

<sup>238</sup> I nyika yakali kuyandika Mufutuli buzuba bumwi, nkabela Leza wakapa Mwana Wakwe. Cindi Na kasika, Ta kazibwa. Ta kali kuyandwa. Ba kati bakali kuyanda Mufutuli. Pele cindi Leza naka Mu tuma mu nzila Yakwe...Ba kalomba mwaami; Leza waka bapa Muvwanda. Ba kali kuyanda muntu singuzi wa kudadaula Rome. Leza waka bapa Muvwanda, muniini woompolola mu butala. Mwabona? Pele yakali nzila yakabambwa aa Leza. Swebo...Pele tii bakali kuciyanda mu nzila Leza mbwa kali kuyanda kucituma. Ba kali ku ciyanda mu nzila njo bakali ku ciyanda. Mwabona? Aboobo, nkikaako, ba kanjila mu lupyopyongano nkaambo tiiba katambula nzila Yakwe. Kwakali bamwi baka cita.

<sup>239</sup> Obu bwakali busena bwa kuzyalilwa ibwa Mbungano, bwakali ku Pentekoste, jesu naka mana kubatuma ku “Kamuya mu inyika yoonse akuyo kambauka Makanimabotu ku bantu boonse. Ezi zitondezyo ziyo batobela abo basyoma.” Wa kabaambila eco cakucita. Ka baambila kuunka kutala, muunzi wa Jerusalema, a kulindila. Ba kali kuyandikana bulembo bwa makanze. Ba kali kuyandikana bulembo bwa makanze. Ba kali kuyanda kukwela kansiyansiya. Leza waka bapa Muuya Uusalala. Oh! Ba kali kuyandikana kabungwe, pele Leza waka bapa Muuya. Ino ndwandaano, obo Leza mbwa cicita! I Muuya Uusalala yakali nzila yakabambwa aa Leza ku sololela Mbungano, kutali bbishopo. I Muuya Uusalala, eco ncencico, oyo bwakali bulembo bwabo bwa makanze. Elyo kuzwa buzuba obo, kuli ceeći, cakali cilembo ca mwana oonse wini wakazyalululwa: Muuya Uusalala.

<sup>240</sup> Lino, kumane myaka ili zyuulu zyobilo, beenzuma... Tuli mukujala. Lino, kumane myaka ili zyuulu zyobilo, muntu uli kanzide kuba a nzila yakwe. Wa kali lembela bulembo bwa milazyo mwini. Wa kalibambilila milao ya kulilemeka. Elyo ncinzi nca kacita? Kuleede kuba, kwiinda kuli ncico, kuwa kupati kuzwa ku Bwini. Ba kaleya kuya... I bantu tabazi eco cakucita. Tuyanza twabuzumini, tubungwe, misyobo yoonse ya tukamu twazilengwa zita tonkomene, kunyanyamukwa, a bantu boonse balati, “I Bbaibbele lyaamba ceeći.” Bayo bweza cibeela eci ca Ndilyo, pele taba kakonzyi kubweza cibeela eco ca Ndilyo. Taba tobeli bulembo bwa makanze, nkikaako bala isweekelwa inzila. Elyo kumane myaka eyi yoonse, cindi ni twa kajana tubunga twa myaanda iili fuka a tumwi twandeene twa Bunakristo, alimwi umwi aumwi katapatila umbi, a kwaamba, “Eci cili luleme, alimwi bali lubide; alimwi eci cili luleme, alimwi eco cili lubide,” alimwi azimwi. Elyo bantu batakweankobaya bali nyongene loko tabazi eco ciluleme a cilubide.

<sup>241</sup> Ino tu yandikana nzi? Tu yandikana kujokela mu bwini, kujokela ku bulembu bwa makanze. Ino tu yandikana nzi? Tu yandikana citondezyo, cini ca Lugwalo lwa Kasimpe. Ii Bwini bwa Makanimabotu bwaka simpikizigwa nce ncico Mbungano ncoi yandikana ku nzila eyi ya ciindi camamanino. Leza wakasyomezya kubapa citondezyo ca buzuba buno bwa mamanino.

<sup>242</sup> Sena mula yeeya cindi Jesu nakali kukanana a kuti, “I namalelo waku musanza uyo buka mu buzuba bwa mamanino, uyo buka a kutapatila nzyalani eyi”? Waa kazwa ku zibela zili kulaale zya inyika, kuzo mvwa busongo bwa Solomoni. Wa kajisi muuya wa kutweluka. Obo mbwa kaboola kule loko, kubona oyo muuya wa kutweluka! Wa kati, “Ii mupati wiinda Solomoni mpali ano.”

<sup>243</sup> Wa kati, akwalo, “Mbuli mu i . . . mbuli musinsimi Jona. Jona, mbuli mbwa kali mwida lya nswi kwa mazuba a masiku otatwe, mbubonya Mwana wa muntu mbwaelede kuba mu moyo wa nyika, mazuba otatwe a masiku.” Elyo Wa kati, “I nzyalani mbyaabbi aya bumambi iyo yandaula citondezyo.” Ikuti na eci tacili citondezyo eco, na nzyalani eyo, Ta ndizi awo mpo cibede: nzyalani, ikompeme, mbyaabbi, iinka ku cikombelo, ya bumambi. Ba kali kuyandaula citondezyo, elyo Wa kati bayo citambula. “Nkambo mbuli Jona mbwakali mwida lya nswi kwa mazuba otatwe, mbubonya Mwana wa muntu mbwa yooba mu moyo wa nyika.” Pele kuyooba bubuke, mbuli Jona wakazwa mwida lya nswi.

<sup>244</sup> Malaki, cipati ca 4, waka tusyomezya ceeco mu mazuba aakumamanino, kuti, “Kuyo yutuka Mulumbe uyo sandula myoyo ya bana kujokela ku Lusyomo lwa matata, Lusyomo lutaanzi lwa matata.” Ba ka cisymezya. Jesu waka cisymezya. Lusyomo lwa basyomi ba ciindi camamanino luyo bona citondezyo citaanzi ca Mesiya. Amubone. Ikuti na Wa kabuka kuzwa ku bafu, a buzumini bwabukombi bwaka Mu tandila anze, myaka eyi yoonse, a kukaka Bwini obo, mpawo cintu eco nco tweelede kulangila, mu mazuba aa mamanino, nkunyona kujokela ku i-i Lusyomo lutaanzi, kujokela ku Lusyomo lwa matata mataanzi aa pentekoste.

<sup>245</sup> Elyo bakabona bubuke Bwakwe. Elyo sunu tu bona bubuke Bwakwe, citondezyo ca bubuke Bwakwe. Jona, masikati a masiku otatwe wakali mwida lya nswi, alimwi aa buzuba bwatatu wa kapozomoka kuzwa ku nswi. Jesu wakabuka kuzwa ku bafu, kumane kuba mazuba otatwe mwida lyayo. Myaka ili zyuulu zyobilo Mba bede kuzwa ku mbungano. Pele Wa kasyomezya, kwiinda muli Joeli, “Eco diingo ncolya kasiya, camusokonya wa kacilya. Pele Njo boozezya, mbwaamba Mwami, boonse abo diingo, a camusokonya, a cisozi, azimwi zimbi, zya kalya. Njo ciboozezya mu mazuba aakumamanino.”

<sup>246</sup> I musinsimi wakati, “Kuyooba Mumuni ku ciindi caku mangolezya.” I zuba ndilyonya limweka kujwe lilamweka kumbo. Bwakali buzuba, buzuba bwa musinze. Ba kasangana, a kubikka tunsiyansiya a zintu. Pele ku ciindi caku mangolezya kuyooba Mumuni: zuba ndilyonya, micelo njiyonya, zitondezeyo nzyoonya, zigambyo nzyoonya, ciindi caku mangolezya.

<sup>247</sup> Mbobuti Mbwa kalitondezeyo Mwini kuba Mesiya? Lino, mubuzyo ngwa kuti, kumane myaka ili zyuulu zyobilou kuumu kuli ncico, Walo ucili Mesiya? Ee, obo Mbwa kabede kaindi, ba Hebrayo 13:8 yakati, “Ngu mbobuca nguwenya, sunu, amuya myaaka.” Obo Mbwa kabede kaindi, We elede kuba mbubonya sunu. Mbobuti Mbwa kali tondezeyo Mwini kuba Mesiya? Kweendelana ku Ijwi lya Leza. “Nkambo Leza wa kalaambide kuti,” kwiinda muli Musa, “Mwami Leza wanu uyo busya musinsimi uli mbuli ndime.”

<sup>248</sup> Ako nkekaambo mwanakazi ku mukalo, cindi Na kamwaambila zibi zyakwe, “Baa,” waa kati, “Munene, Nda Ku ziba kuti uli musinsimi. Tu lizi cindi Mesiya aboola Uyo twaambila zintu ezi.”

Wa kat, “Nde Ndime, oyo ukanaana kuli nduwe.”

<sup>249</sup> Waa kazuza cakufwambaana a kwaambila bantu mu muunzi. “Amuboole, mubone Muntu Oyo wandaambila eco Nce kacita. Sa oyu tali nguwenya Mesiya?” Elyo bantu baka cisyoma, nkaambo bakali kulangila citondezyo eco ca Mesiya, myaka iili myaanda yone kakunyina musinsimi.

<sup>250</sup> Jesu wakati, “Mboli mbo kwakabede mu mazuba akwa Lota, mbubonya mbo kuyooba mu kuboola kwa Mwana wa muntu,” cindi Leza nakaliiyubununa Mwini mu mubili wabuntu, kalya i—i nyama ya mombe, kanywa mukupa uuzwa ku ng’ombe, a kukkala okuya kumbele lyabo. Leza, Jehova, Walo waka yubululwa mu mubili, a sule Lyakwe kalifutete ku tente, a kwaambila eco Sarah ncakali kwaambaula mu tente.

<sup>251</sup> “Kuyooba Mumuni ku ciindi caku mangolezya.” Ijwi lya Leza lyaka simpikizigwa ncitondezeyo ca buzuba obo mbo tupona mo. Ku yooba Mumuni. Elyo Wa kasyomezya, kwiinda muli Malaki 4, kwiinda mu masena manji aa Bbaibbele, kuti bantu baku ciindi camamanino bayu kubona kutondezegwa nkukonya nkoba kabona, nkaambo Ta konzyi kucinca citondezyo eco. Wa kacisyomezya.

<sup>252</sup> Lino, twa ka Mu mvwa kaambaula mu myaambo aa Kalivari. Twa ka Mu bona kacita zintu zyoonse ezyo Nzya kacita. Twa kabona Mbungano ya buapostolo kaindi okuya ku matalikilo, obo eyo Mbungano ya buapostolo, bweende mboba kapanga. Tula cibona kacinyona nkoonya kujokela mu Mbungano alubo okuno mu mazuba aakumamanino. Ino ncinzi? Ngu Leza, kasimpikizya, mboli buyo Mbwa kacita kuli Musa, mboli Mbwa kacita kwiinda mu makkalo. Wa kabamba nzila eyo kutegwa

tu tacengwi, eyo njo tunga twa ziba. Jesu wakati, muli Johane 14:12, “Oyo usyoma Ndime, zitondezyo Nze cita, milimo Nje cita, uyo icita awalo.” Eco ciyooba ncico. Lino, ikuti na Wa kafwa nkabela Uli fwide, mpawo milimo yakamana. Pele ikuti na Ula pona alubo, mpawo milimo Yakwe ila zumanana mbuli mboya kabede, nkambo Ngu mbobuca nguwenya, sunu, amuya myaaka. Mula syoma obo?

<sup>253</sup> Amuswiilile. Anda ambe ceeći: Jesu wakatondezya kuti Wa kali Mesiya, kwiinda ku zitondezyo zya Bbaibbele zya Mesiya. Wa kacitondezya. Mbwa kabede. Lino, akube kuti Leza andi lekele kutondezye lino kuti Walo ucili mbubonya. Mula cisyma na? Wa kacitondezya. Mbwa kabede. Wa katondezya kuti Mbwa kabede. Akube kuti Mebo, ku luzyalo lwa Leza, kutondezya kuti Mbwa bede. Wa katondezya kuti Mbwa kabede. Lino atu tondezye kuti Mbwa bede. Nce ncico ncobeni Nca kasyomezya. Nce ncico Nca kaamba. Eyo nje nzila Mbwa ka caamba. “Elyo ezi zitondezyo ziyo batobela abo basyoma.”

<sup>254</sup> Ino ncinzi? Nzila yakabambwa aa Leza, nzila ya bubuke. I cintu eco cileta muntu kuzwa ku bufuba bwakwe, mu Mumumi wa Makani mabotu; kumuleta kuzwa ku boongo bwa bupampu, mbuli imwi mfulumende ya zilwanyo, a kubombya moyo wayo kumbele lya Leza.

<sup>255</sup> “Ee,” yebo wati, “oyo muntu musongo loko, Mukwesu Branham. Wa kajisi madigri one. Uli jisi Digrii taanzi lya Arti. Uli jisi zyoonse *ezi*.” Ta ndikwe makani eco nca jisi. Uyo elela kuluba zintuzyonse nzya kaiya, kutegwa azibe Kristo. Mbo mbubo. Uyo elela kulibombya mwini a kuzwa ku cintu cili coonse inyika ncoya kacita kuli nguwe.

<sup>256</sup> Elyo ulaiya Kristo kwiinda ku bubombe, ku Mu syoma. Nciindi caku mangolezya. Ino Nda amba nzi awa, ku matalikilo? Ino cakali cinzi Nce kanana awa? *Kuzumina Nzila Ya Kabambwa Aa Leza Kuciindi Camamanino*. Umwi aumwi wa baalumi aba, ciindi aciindi kwiinda mu Bbaibbele, kwiinda mu bulenge, tula bona . . .

<sup>257</sup> Lino, Leza tabwezi musamu sunu, a kuubamba kuba cintucimwi cimbi, elyo mpawo juunza kuubamba cintucimwi cimbi. Peepe. Ula bamba, sunu—sunu, musinza ulaselemuka, juunza ula jokela nzila imbi, a ciindi citobelaa Wa kagusya musinza na? Peepe.

<sup>258</sup> Ula kkala ncobeni munzila. Elyo umwi aumwi wa baalumi aba ngo twa kaambaula, kwiinda mu Bbaibbele, Leza waka kkala ncobeni mu bweende Bwakwe a mbabo, mbubonya ku Ijwi Lyakwe. Kutali umwi wabo pele eco cakali mbubonya aa Ijwi Lyakwe, kwiinda moonse mu Bbaibbele, mbubonya aa Ijwi Lyakwe.

<sup>259</sup> Mpawo cindi waamba kuti, “Ee, Ndili mbubonya aa Ijwi Lyakwe,” mpawo Ula simpikizya eco kuba Bwini.

- <sup>260</sup> Lino Ucili mubwini, sunumasiku, ikuti na twa cisyoma buyo. Sa mula cicita? [Mbunga yaamba, “Ameni.”—Mul.]
- <sup>261</sup> Atu kotamike mitwe yesu. Lino, cakubatama buyo mbuli mbo mukonzya kuba, kwa kaindi kaniini.
- <sup>262</sup> Nzila yakabambwa aa Leza, kuti Ako nzye kuleta basyomi ku Lusyomo lwa Kukwempwa. Nzila ya Leza, nzila Yakwe ipedwe, kuleta basyomi ku Lusyomo lwa Kukwempwa.
- <sup>263</sup> Ka Nditana kubamba lwiito lwaku cipaililo, Ndi yanda kwaamba ceeci. Nda limvwa kusololelwu kucita eci. Sa kuli bantu baciswa mu ng’anda? Tambika janza lyako.
- <sup>264</sup> Ndiyo mulomba akaka amubatame buyo, amu kkalikile, aniini buyo. Lino, tula zwa mu maminiti ambi osanwe, ikuti na mwa batama buyo ncobeni.
- <sup>265</sup> Lino, mwabona, nywebo, cindi mwa nyonganya, mula nyonganya muntuumwi.
- <sup>266</sup> Ndi jisi cintu coonse kundi lya bweendelezi bwa Muuya Uusalala. Nde elede kuba aco, kutegwa kucitwe ceeci. Leza wakapanga cisyomezyo. Tii ndakali ndime. Wa kali Nguwe wakapanga cisyomezyo.
- <sup>267</sup> Lino, kuciimo mbuli Mbwe zyi, kuli bantu bamwi okuno abo Mbe zyi. Kuli bamwi Mbe tazi. Nda konzya kubona ncobeni kujatikizya, Nda yeeyela, bantu bone abo Mbe zyi. Elyo umwi wabo ngu Mukwesu Williams awa, a Mukwesu Rose. Ndi bazi. Alimwi Baama Sharrit uli kkede ku mulyango. Mebo, mubwini, Ndili muzi. Ngooyu Mucizi Williams ukkede awa. Ndili muzi.
- <sup>268</sup> Elyo oyu mulindu ukkede mpoonya awa, kutandila minkali yobilo kumbele lyangu okuno, walo ubeleka ku cintoola ca zintu zili mbozibede , alimwi mulongwe ku mukwasyi. Ta ndizi zina lyakwe, pele Ndi syoma kuti ngu cizo ca mbungano ya Mukwesu Outlaw kutala kuya. Ndi yeeya kuti eco cililuleme.
- <sup>269</sup> Elyo mpawo Nda bona Mukwesu Dauch a Mucizi Dauch, bazwa ku Ohio, bakkede awa. Nda kamvwa Mukwesu Sothmann, kulaale kusule okuya kubusena bumwi, kaamba “ameni,” kaindi kainda. Nda langilila. Oko kutandila koonse Nkwe bona a kuziba omuno.
- <sup>270</sup> Mbangaye banu bacisidwe, a kuziba kuti Nse muzyi, tambika maanza ako, abo bazi kuti Nse zyi cintu kujatikizya nduwe, tambika janza lyako. Ncibotu. Amube buyo a lusyomo eno a kusyoma.
- <sup>271</sup> Lino, ikuti na Nda mwaambila Bwini, Leza uli sinikizidwe kusimpikizya Ijwi eelyo kuba Bwini. Sa mbo mbubo? Cili luleme. Lino, eyo iyooba nzila ipedwe mpawo, kweendelana aceeco Nce amba sunumasiku. Eyo ni nzila yakabambwa aa Leza ya kumwaambila kuti, “*Obu Mbwini*.”

<sup>272</sup> Nkaambo, kufumbwa muntu ulizi kuti tacikonzeki kumaninina. Inga aba maleele ayo sayaansi nga takonzyi kupandulula. To konzyi kupandulula maleele. Ta cikwe bupandulule. Elyo ikuti na Leza weelede ku kanana omuno, sunumasiku, ku muntu omwe oyo unga waziba kuti Ndali mweenzu kuli mbabo, a ku baambilila eco nzoba kacita, na nzyoba takeelede kucita, na nzya baya kucita, na eco nco beeleder kucita, na cintucimwi, mbubonya mbuli Jesu mbwa kacita cindi Na kali waano aa nyika. Wa kalizibya Mwini ku buleya kuti eco cakali citondezyo ca Mesiya. Mbangaye bazi boobo, amwaambe, "Ameni." [Mbunga yaamba, "Ameni."—Mul.] Mpawo, mbungano ila cisyoma. Eyo nje nzila ilikke. I bantu, cindi Na kacita ceeco, ba...

<sup>273</sup> I mwanakazi waka guma moombe wa cikobela Cakwe. Wa kanyona, kati, "Nguni wa Ndi guma?" Cakunyama, Ta kamumvwa, pele lwakali lusyomo lwakwe lwa kacicita.

<sup>274</sup> Lino, inga waba musyobo oyo wa lusyomo ikuti na uyo komba buyo a kwaamba, "Mwami Jesu, kogwisya kuzumbauzya koonse kuzwa kuli ndime. Kogwisya buzumbauzi bwangu, alimwi ndilekele ndi syome eci. Ndi pengede cakupengana. Elyo Nda boola, sunumasiku, nkambo Bbaibbele lyaamba kuti Jesu Kristo Mupaizi Mupati uukonzya kugumwa kwiinda kukulimvwa kwa nkompami zyesu."

<sup>275</sup> Sena mwakalizi, citondezyo eci, maleele aya, tana citwa mu makani aakale kuzwa ku lufu lwa muapostolo wa mamanino? Mbo mbubo. Nda kazwaa kwiinda mu i—i...oonse mabbuku aa makani aakale ayo Nge ndizi, *Two Babylons* ya Hislop. Nda kaboola kwiinda mu *Foxe's Book ya Martyrs*. Nda kaboola kwiinda ku pre-Nicene fathers, i Nicaea Council, a post-Nicaea. Nda kaboola kwiinda mu mabbuku ayo oonse. Taakwe busena bomwe Mbwe kacibona, mu makani akale akwa Martin Luther, John Wesley, lubukulusyo lutaanzi, lubukulusyo lwaku Welsh. Ba kali kulila, koongolola, kulumbaizya Leza, kumalekelo bakalokela mu kwaambaula mu myaambo. Elyo mpawo eci cakeelede kuba citondezyo camamanino. Eco cakali cintu camamanino eco Sodoma nea kabona kataninga kupuya.

<sup>276</sup> Elyo amuyeyye, Ta ka ciyubununa kuli Sodoma. Wa ka ciyubununa kuli Abrahamu, wakasalidwe a musale. Alimwi cipengo tacili cakuunka ku mambungano anyika okuno, ikuti na mwalangisyia. Nea kwiinka ku Mbungano isalidwe. Abo mbe mbabo bali mukuba ba lugwasyo kuli ncico. Mbe mbabo bayo citambula.

<sup>277</sup> Ikuti na inga cacitwa okuya, inga baamba cintu nciconya ncoba kacita cindi Na kacicita, "Ngu Bezebule, musondi." Elyo kufumbwa muntu ulizi kujatikizya musondi, ulizi kuti—kuti ncintu cinyongene akwalo kwaamba. Ta bazi mulao mutaanzi wa

kukwaba mizeeo na kusonda. Oyo mulimo wa dyabulosi, kusola ku kkopela mulimo wa Leza.

<sup>278</sup> Leza ulatondezya musinsimi; dyabulosi ujisi sibusangu. I bobilo bali munsi loko antoomwe. Jesu wakati ciyo tandila kucenga Basale, ikuti na kulakonzeka. Nca bwini. Tu jisi kulikozyanisya kunji—kunji loko. Wa kati, “Mbuli Jambresi a Janesi mboba kakazy Musa, mbubonya mbo bayocita bantu aba mizeeo mibi, basibutongo kujatikizya Bwini. Pele bufuba bwabo buyo janwa.”

<sup>279</sup> Lino, mu Zina ly a Jesu Kristo, Mwana wa Leza, Nda bweza nkamu eyi ya bantu ku bweendelezi bwangu, pele ku Muuya Uusalala, ku Muuya Uusalala, mu Zina ly a Jesu Kristo.

<sup>280</sup> Nda mubuzya, mbuli basyomi, muta puti. Amu kkalikile. Elyo mula syoma kuti Jesu Kristo ngu mbobuca nguwenya, sunu, amuya myaaka, kuti Ndili waano kuzibya milimo Yakwe a nzila Zyakwe.

<sup>281</sup> Nda kaenkela maningi aa zintu ezi, myaka iili kkumi ayosanwe, kkumi acisambomwe Nda kali mu mulimo. Pele ndeelyo oora lyasika lino cindi cintucimwi cilibambilka kucitika. I Mulumbe uyounka ku cisi cimbi, bantu bambi. Pele kuciindi notuli mu Busyu bwa Buntu Bwakwe Busalala... I Mbungano mu America, Nda syoma, itandila buyo kwiitwa kuzwa. Uli maninide, Uli kukulwidwe, Uli libambilide, Mbungano iini. Kuupaupa ku cili mukucitika. Pele Mbungano ya bwini yakali Mbungano yabwini, ku kutilika, yakazyalululwa, bakakanzwa ku kwiitwa kwa Leza.

<sup>282</sup> Ikuti na wasyoma a moyo wako oonse, Nda kulomba kuti upaile a kwaamba, “Mwami Jesu,” mu moyo wako, “ndilekele kujata cikobela Cako. Elyo mbobuti Mbweyo ziba kuti Ucili Mupaizi Mupati nguwenya? Kanana kuli ndime kwiinda mu milomo ya Mukwesu Branham. Elyo ikuti na wa ndaambila Bwini, buli, Nda syoma wa kacita.”

<sup>283</sup> Koba masimpe kwaamba ceeco mu mupailo wako, nkaambo Wa kandaambila, “Ikuti na uka cite bantu ku kusyoma.” Eyo nje ilikke... nywebo... Ta kakonzya kucita milimo minji yanguzu, nkaambo tiiba ka Mu syoma. Muta ndi syomi mbuli Nguwe, pele amusyome kuti Wa kandi tuma. Elyo Ndili waano ku Mu tondezya. Wa katondezya kuti Mbwa kabede. Akube kuti Leza andigwasye kutondezya kuti Wa kabuka kuzwa ku bafu, Mesiya, mbobuca nguwenya, sunu, amuya myaaka.

<sup>284</sup> Lino amube buyo mu mupailo. Nda langilila a kulindila. Amukombe buyo. Elyo ikuti na Mwami uyo cipa, alimwi uyo tondezya kuli ndinywe kuti eci ncitondezyo ca ciindi camamanino, sena uyo endela mu Mumuni? Sa mula Mu syoma, kuba a lusyomo muli Nguwe? Tali sikulemeka muntu. Koba buyo a lusyomo, kuzwa kumatalikilo, koonse. Lino, kuciindi nomu kotamikide mitwe yanu, Ndi lumba Mwami.

<sup>285</sup> Ngooyu Mumuni oyo ngo mubona mu cifwanikiso. Uli mpoonya awa mu kaanda aka lino. Elyo Nda Ubona nkoonya kumbali lya mwanakazi oyo uukkede kululyo lwangu. Ukombela mwana uli mu penzi. Uta zumbauzyi buyo. Koba a lusyomo.

<sup>286</sup> Ku lumwensi lwangu kuli mwanakazi, nkabela waa yoowa. Waa yoowa kuti ujisi kkulenge. Uli zunganisidwe maningi kujatikizya ncico. Nda syoma ta ciimpyi. I mwanakazi wakasola, kwa ciindi cilamfu, kutonta nzila yakwe mukati. Waa yoowa. Ta zwi kokuno pe. Walo uzwa ku dolopo limbi. Elyo dolopo ndi dolopo liniini maningi kwiinda leeli, nekubakuti likkede ku musanza kuzwa awa. Nkwiinda ku lubazu lwa mulundu. Ngu Tucson. I zina lya mulindu ngu Muka. Bach. Ula syoma na? Sa ula tambula kuponesegwa kwako? Ncibotu. Muta yoowi limbi kuli ncico. Lusyomo lwanu lwa kuponya.

<sup>287</sup> Ii mulindu wa zina lya Muka. Hushey. Uta lubi. Leza inga watondezya oyo mwana kuti takwe kaambo, ikuti na uyo syoma a moyo wako oonse. Uta zumbauzyi. Koba a lusyomo. Kosyoma.

<sup>288</sup> Ii mulindu ukkede awa ku lubazu kululyo lwangu, uciwsa penzi lya moyo. Zina lyakwe ngu Muka. Cloud. Ikuti na wasyoma a moyo wako oonse, tambula kuponesegwa kwako, Leza Singuzuzyoonse uyo kubamba kuba kabotu. Sa ula kusyoma? Ncibotu. Ula syoma a moyo wako oonse.

<sup>289</sup> I mulindu kulaale kusule awa ku lulyo lwangu, mu mundando waku janza lyalulyo, usamide dressi lisiya. Muka. Yates, syoma a moyo wako oonse, alimwi penzi lyako lya musana liyozwa kuli nduwe. Oh, ma!

<sup>290</sup> Mula Mu yanda? [Mbunga yaamba, “Ameni.”—Mul.] Mula Mu syoma na? [“Ameni.”] Sena Ngu mbobuca nguwenya, sunu, amuya myaaka? [“Ameni.”] Lino, ikuti na Wa tondezya ceeco, nkabela wabona kuti cili luleme, nkabela bantu abo bayo pa bulunguluzi Nsenya babbwene mu buumi bwangu.

<sup>291</sup> Pele, amulange, lino, ikuti na moyo bweza ijwi lyangu kuli ceeco Nce wamba, ikuti na uyo syoma a moyo wako oonse a kubikka maanza ali umwi aumwi, uyo ponesegwa ikuti na uyo cisyoma buyo a moyo wako oonse. Calo ncitondezyo ca ciindi camamanino.

<sup>292</sup> Lino amu bikke maanza anu atala lya umwi aumwi, nywebo nomuyo kombelana umwi aumwi. Ikuti na nduwe sizibi, kolyaambilila zibi zyako. Ikuti na nduwe sikuwa, kolyaambilila kuti uli lubide. Ikuti na uli mulwazi, kolyaambilila kuti uyanda kuponesegwa, a kuti, “Nda Ku syoma, Leza.”

<sup>293</sup> Lino, Bbaibbele taakwe nilya kaamba kuti, “Mipailo buyo ya William Branham iyo cita ceeci.” Pele Wa kat, “Ezi zitondezyo ziyo batobelabo basyoma. Ikuti na baka bikke maanza abo aa balwazi, bayo pona.” Sena mula syoma obo?

<sup>294</sup> Lino, nziindi zyongaye, calampa buti ciindi Nkeli anyebo, Phoenix? Eyi itandila kuba myaka ili kkumi aciloba, Nda kali kuboola okuno. Sa mwakasola kucibona kutondezegwa buteelede ciindi cimwi? Sena lyoonse cakali mbubonya nzila Muuya Uusalala mbuwa kacaamba? [Mbunga yaamba, “Ameni.”—Mul.] Kwiinda mu zyuulu zya zyuulu, a kwiinda mu makamu aa ziindi; kuvula kwa ziindi zinji koonse ku nyika, zya masi oonse, a misyobo, myaambo, a bantu; ngu Jesu Kristo, kutali munyoko. Elyo Ndi balulula Ijwi Lyakwe kuli ndinywe. “Ezi zitondezyo ziyo batobela abo basyoma. Ikuti na baka bikke maanza abo aa balwazi, bayo pona.”

<sup>295</sup> Lino bikka maanza ako aa muntuumwi a kuba kombela. Uta... Uta likombeli omwini lino, nkaambo bali muku kukombela. Ko bakombela. Elyo lino atu kotamike mitwe yesu mu Busyu bwa Jesu Kristo, Oyo ultondezya Mwini kuba akati kesu. Lino, Ngu Leza wanu, mbubonya mbuli Mbwali Leza wangu. Lino amukcombe nzila njo mucita mu mbungano yanu. Kombela muntu oyo ubikkide maanza aakwe ali nduwe. Amu bakombele, a kusyoma aali Leza.

<sup>296</sup> Lyaambilile zibi zyako, kwaamba, “Ndili lubide, Mwami. Nda kali sikudonaika; Nse kabi limbi. Ndila syoma ndyoonya lino kuti Uyo ndiponya.”

<sup>297</sup> “Ponya muntu oyu, Mwami. Ponya mwanakazi oyu. Ponya mwaalumi oyu. Ponya mwanakazi oyu. Ponya muvwanda. Ponya musimbi mukubusyi, mulombe mukubusyi.”

<sup>298</sup> O Mwami Leza, Cilenga wa majulu a nyika, mbobuti mbo tukonzya kukkanala awa, Mwami? Eci ceelede kuleta Lusyomo lwa Kukwempwa, nguzu zya Leza inga zyafumpa bbunga eli lyoonse, Mwami, mujulu maningi, akwa bulemu bwa Leza.

<sup>299</sup> Lekela dyabulosi, oyo waka jisi bantu aba kabaangide, ba angunune; aa i—i cisymezyo ca Leza eco Nce syomena, aa Bbaibbele eco Nce yiisa, aali Leza Oyo uutondeezya kuti ndi Bbaibbele, eco citondeezya kuti Ngu Leza wa Bbaibbele. Kumane myaka ili zyuulu zyobilo, Walo ucipona akati kesu sunumasiku, wakabuka kuzwa ku bafu, mbobuca nguwenya, sunu, amuya myaaka. Aa mbaakan ya Bulowa Bwakwe bwakatika, a Buntu Bwakwe bupona, Busyu, kumane myaka ili zyuulu zyobile, Nda zundikizya dyabulosi a onse muuya wakwe uutakwe nguzu wa kuciswa a malwazi, angulule bantu aba, mu Zina lya Jesu Kristo. Kozwa muli mbabo, kutegwa baanguluke. Koangulula sizibi oyo. Ko angulula sikuwa oyo. Koangulula oyo mwaalumi na mwanakazi ucisidwe. Nda taminina kuponesegwa kwabo, lufutuko lwabo, mu Zina lya Jesu Kristo, Mwana wa Leza. Ko basiya, yebo mubi, muuya mubi, mubi wa kutasyoma a kuzumbauzya. Amuzwe ku mbungano eyi, kuzwa ku nkamu eyi ya bantu, mu Zina lya Jesu Kristo. Ameni.

<sup>300</sup> Nda syoma. Nda syoma kuti mupailo wa lusyomo wa kombelwa. Ndi yanda kuti mucite cintucimwi lino. Mpoonya awo mpobede, kolanganya cikunguzyo mu mizeeo yako, “Mpoonya awa aa cuuno eci, busiku obu, cindi Ne kaima a kumvwa Ijwi, kabona Leza kasimpikizya Ijwi Lyakwe, kutondezya Ndya kasimpe, mupailo wa lusyomo waka kombelwa kuli ndime. Ikuti na dyabulosi wasola ku ndaambila alimwi Ndila ciswa, na kufumbwa cilubide, Ndiyo mujosya nkoonya ku cikunguzyo eci. Ndyoonya lino mupailo wa lusyomo waka kombelwa ndime, nkabela Nda futuka kuzwa ku kuciswa kwangu. Nda futulwa kuzwa ku zibi zyangu. Ndili mwana wa Leza, alimwi Nse kaciti limbi bubeji bwa dyabulosi. Ndili mulanda wa Leza waangulukide.” Ameni. Sa mula cicita? Amwaambe, “Ameni.” [Mbunga yaamba, “Ameni.”—Mul.] Tambika janza lyako a kwaamba, “Nda cisyoma.” [“Nda cisyoma.”] Ameni. Ameni.

<sup>301</sup> Kuli ndime, eco cila cibamba. I mulimo wacitwa. Ca mana. Leza wakaamba boobo, nkabela eco cila citondezya. Mbobuti Mbwa konzya kucita cintu cili coonse cimbi pele kusimpikizya Ijwi Lyakwe? Ikuti na Uyo Li simpikizya kuli ndime, Ula konzya ku Li simpikizya nkambo ka ndinywe. Mula syoma obo? [Mbunga yaamba, “Ameni.”—Mul.] Ncibotu.

<sup>302</sup> Atwi imikile ku matende esu aku Mu lumbaizya, mpawo, amu Mupe kulumba a bulemu boonse. Ameni. Yaa. Bulemu kuli Leza!

<sup>303</sup> Ndaku Lumba, Mwami Jesu. Tula Ku yanda. Twa Ku lumbaizya. Tula zumina zintu ezi. Tula syoma kuti Ula tucitila lino. Yebo uli Mufutuli wesu. Yebo uli Sikuponya wesu, alimwi tula Ku yanda nkambo ka ncico. Lilelekwe Zina lya Mwami, kwa lyonse. Tambula bantu aba, Mwami, a kubalekela kuba balanda Bako kuzwida lino, kwinda mu Zina lya Jesu.

Leza amu longezye.



*KUZUMINA NZILA YA KABAMBWA AA  
LEZA KUCHINDI CAKUMAMANINO TNG63-0115*  
(Accepting God's Provided Way At The End Time)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwabili mangolezya, Mukazimaziba 15, 1963, ku Church Of All Nations mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)